


islands

men.

PANEG. et VITAE  
Polon. Fol.  
N<sup>o</sup>. 1420.







F L O R E S  
C I R C U M D A T I  
R O S Æ

*Celsissimi & Reverendissimi Domini*

D. STANISLAI

IN SŁUPOW

S Z E M B E K

A R C H I E P I S C O P I

G N E S N E N S I S

Legati Nati

*Regni Poloniae & M.D. Lithuaniae Primatis*

*Primiq; Principis*

Perpetui Commendatarij Abbatis Tinecensis

Supremis Poloniarum Infulis

C O R O N A T Æ.

E T

*à devotissima tam Magno Celsissimi Prin-*

*cipis Nomini quàm Gnesnensibus Mitris*


*Societate JESU Provinciae Polonae*

*pronissimo cultu*

A D O R A T Æ.

Anno DEI Floris humanâ Carne circumdati

1711.



Typis Collegij Califfiensis Societatis JESU.

m.



Vidi omni Te pridem in Flore nitentem.  
*Stat. Sylv. s.*

In STELLAM Clementis XI. Pontificis Maximi Insigne,  
Et simul Gentilitias Celsissimi Principis ROSAS,  
*Epigramma* Ex Aufonio.

Ambigeres : raperetne Rosis Aurora ruborem,  
An daret, & Flores tingeret orta dies?  
Ros unus, color unus, & unum mane Duorum,  
SIDERIS & FLORIS. Forſan & unus odor,  
Unus & eſt Murex; ſed celiſior ille per auras  
Diffſatur; ſpirat proximus iſte magis.



21.992 III

Dic: quibus in terris inſcripti nomina Regum  
Naſcantur Flores?

*Virg: Eccl: 3.*





AD CELSISSIMUM  
PRINCIPEM

*Illustrissimum ac Reverendissimum*

ARCHIPRÆSULEM

Principum Celsissime.

**I**ntellexisti Antistes Magne, non per injuriam,  
aut egestatem dici, quod Titulorum Tuorum,  
Gloria, quasi ex alieno derivanda fuerit. Di-  
vinum enim, vel prope Divinum, sed Tuum  
etiam est; unde fontem habet, unde impetum ra-  
puit laudatio. Poteramus ergo, in primo oratio-  
nis limine, aliena rapiendo, offendisse; Sed Tua  
Dignitatis perfectissima absolutio facit: Ne offendamus Quenquam.  
Florum Tuorum Aurora praeluxit: ut Te, Purpuratorum Lumi-  
num



num Soli, sine pallore admovissemus; utque ex illo, altissimarum  
flammarum, & Honorum omnium Pelago, totum plaudendi ductum  
traxissemus. Caput Orbis, pro Capite, & prima Tuarum Laudum  
fronte, par fuerat statui; Quia pro Majestate loquendum est; utq;  
ex hac, quam Titulis Tuis praeposuimus, facie, quasi Summus An-  
tistes noscereris. Jam quis ille ausus foret, parvam ratem com-  
mittere Oceano; itinera aggredi ardua, quibus immensum gloriae  
Tuae decurratur; veluti quoq; bellum ingens, pro Te, contra Tu-  
am expedire modestiam; nec praeconsuluisse fatidica responsa? nec  
ad Oracula Vatū confugisse? Placuit itaq; rem auspiciatō agere:  
non enim integrum putabamus, laudare Virum meritis grandem,  
Genere altum, Honoribus Celsissimum, si non Superos ante omnia,  
invocassemus. Invocavimus autem prænominando. Nam primus  
hic, quem innumeris aliis praeposuimus, Titulus, Divinum quod-  
dam effatum est; à Deo profecta denuntiatio; Maximorum etiam  
in terris Numinum celeste agnomen. Tali appellatione, Clementem  
XI, aetatibus nostris praedixerat olim, vir ille fatidico numine affla-  
tus Dunensis in Hybernia Archi-Praesul. Et nonne hoc Tibi pro-  
prium est, quod Archi-Praesuleum, quod Pontificium, quodve  
Divinum insuper est? laudari inquam non potes, nisi cum San-  
ctissimis. Ipsas etiam Summorum laudes attollere videris, & par-  
ticipando cumulare. Equidem intra refertissimos Tuorum decorum  
thesauros nihil vulgare & nihil occurrit Commune. (ita Te supra  
obviam ceterorum sortem extulit prodigiosa Virtutis insolentia)  
quantum attamen id lucis Tuae fastigium est: Solem ipsum Di-  
gnitate jam praeferre, dum reliqui siderum locō eminent, sed Mino-  
rum; dum Pares suos Polonia censet in pretium, sed Tibi, Anti-  
stitum nostrorum Maxime, nullum honore parem. Quia Tecum  
Divi soli communicant; nec singularis esse desuit, quisquis merue-  
rat Numinibus Nomina permiscuisse. Arcanos ergo Superum de  
Clemente sensus, sub Circumdatorum Florum, id est sub ROSA-  
RUM Vestrarum symbolo, accepimus: inde & laudationis origi-  
nem. Quidquid enim de Te dicatur maximum, nunquam excedit  
fidem; sed Tua Gloria humanae linguae excessit facultatem; quia  
oracula Deorum sunt, quantacunq; ea fuerint, quae, dum laudaris  
proferuntur. Non Tuus itaq; Honor, quasi dubium decus titubare  
potest; neq; nos errare unquam aut falli, quasi incertorum asser-  
tores; neq; Tu nobis diffidere, quasi assentatoribus. Quis contra-  
dicere Divinis edictis audeat? quis effata caelestia non probare? aut  
quis Clementis XI, Tuaeque simul Gloriae non subscribere? Vnico cer-  
te Hoc, Quem, Tuis Elogiis in Caput & frontem exordio prae tuli-  
mus; totius orbis assensum promeruimus, attentionem excitavimus,  
concilia;



conciliavimus auctoritatem dicentis, religione afflavimus stylum, per-  
 petua silentia livori inliximus, reverentiam tandem quasi cuidam  
 obtinuumus mysterio, & pro Tua Dignitate Majestatem. Credens  
 nobis secutura secula, illud de Te etiam proclamatum fuisse; quod  
 nos de summo dictum credimus Pontifice, & quod de Te quoque  
 dictum interpretamur. At quam consulte, Ipseus inprimis Clemen-  
 tis captavimus benevolentiam: audiet enim non invitatus, Societatem  
 nostram ita se Apostolico solio obligasse & devovisse, ut Neminem  
 toto orbe aestimet, nisi qui à Romanis Pontificibus pretia deriva-  
 verit; & si quempiam laudaturi sumus, Clementi XI. deferre  
 semper, proq. Ejus Gloria agere omnia conjuraverimus. Audiet  
 itaq. Clementum omnium Clementissimus, & annuet non invitatus:  
 præsaga Dignitatis suæ nomina, communicari aliis, communicari  
 supra ceteros Tibi, & in Te, quasi manifesto eventu comprobari:  
 Tu vero PRINCEPS CELSISSIMUS, nec titulos, nec  
 titulorum plausus admisisse volebas aliter; quam ut Honoribus  
 Tuis honoraretur Roma, & Fons ille Honorum Tuorum corona-  
 retur. Erat equidem virtuti Tuae optabile, in Sanctissimorum  
 Consortia adoptari; nec alius est quo magis gaudeas Titulus: quam  
 quod Pontificius audire Legatus non adventitio vocabulo, sed natu-  
 ræ Fortunæ videaris. Ceteros enim Legatos, Natos appellaba-  
 mus; Te, quasi nascendi fors ad Vicarios Summorum Pontificum  
 Fasces progenuisset; ita in Gentilitiis ROSIS, Clementis XI.  
 characterem legimus, & communicatam Legato Nato potestatem  
 recognoscimus. Nemo deinde erit: qui non curiosa aviditate acci-  
 piat reconditas divinæ mentis significationes, ita explicari palam:  
 prout evidens fuerit: Tibi illas ex Clemente XI, etiam verò Cle-  
 menti ex Te; utriq. ex tempestivis Meritis, pro consona utriusq.  
 Dignitati Gloria convenire; id est. Utriq. Vestrum optime semper  
 convenire. Et ille quidem acturus gratias pro gratia non poterit  
 indignari; nam flores suos in Tuis ROSIS amat, dum suam redo-  
 lent ubiq. Sanctitatem. Nos, si altissimas laudes Tuas, à Summo  
 ad summum deducere volebamus, quid ad eminentiam sublimius?  
 si Honorem Tuum contra temerarios insultus sanctum reddere;  
 quid ad immunitatem sacratius? si veritatem oraculi, Virtutum  
 Tuarum luce demonstrare conabimur; quid certius ad fidem, ad  
 fortunatum Omen quid acceptius dixisse poteramus? Flores præ-  
 diximus Circumdatos; intra hos, non unum Titulorum orbem, gra-  
 tias omnes, totum gloriæ Florem, innumerasq. Meritorum Tuorum  
 Coronas, & omnia quæ Te circumstant decora, compendio complexi  
 sumus. Quæcumque demum sive publicæ felicitati precari fau-  
 stissima, sive merenti Patriæ promittere meliora, sive Tibi gra-



zulari Suprema atque vovere majora debebamus ; in summam  
redegimus omnia : dum Tuas ROSAS, quasi Flores Circumda-  
tos, Te Ipsum verò, quasi Summum Pontificem aut adorabit  
aut ominabitur.

## Principis Tuæ Celsitudinis

Devotissima

Societas JESU

Provincia Polona

fed n  
Regn





Ttica, odoratos quæ in sidera spargis Hymettos,  
Atq; superborum, Cælo, confinia florum.  
Subdis, & admoto sentiris odore propinqua?  
Jam Tibi prætumidus dejecto culmine vertex  
Serpit humi; jam languet honor, jam florida marces  
Gloria, vicinus quam non bene sensit Olympus.

Flora Orbis Roma est: Floræ estq; Polonia Campus  
Et procul Albani florem redoletis Hymetti,  
Gens olet in Roseo procul & Szembecia Flore,  
Nam poterat Superis flos necdum natus, olere:  
Sæcula præsensere Rosas; præsaga futuros  
Et subodorantur longè ante oracula, Fasces.

Seu Te, purpureo Latium circumdabit ostrò  
Præsuleus cinxit, seu Te, Rosa Ternio Murex;  
Non inopinatum Flores decus! Omen adimple:  
Nam Tua, cum sacri cecinerunt Stemmata, Vates,  
Ad Vaticanos designabaris Honores.

**T**riumphalem Honori Tuo Princeps Cel-  
lissime adornaturi pompani, videmur nobis ab ipso di-  
cendi initio, quasi à littore magni fluvii, hinc inde ab-  
trahi, neq; uno loco stare, neq; uni tempori immorari;  
sed navigantibus similes, nunc has nunc illas lustrare terras, per  
Regna & populos abire, innumeros etiam annorum recessus  
emetiri;



emetiri; aut fluctuantium more, in varia ferri, propendere in diversa, nutare, luctari; tantum non distrahi, tantum non desperare; immenso certe Gloriam Tuam altò videmur propè absorberi. Superum fidem! Quis ille, tam multiplex, & tam antiquus Generis Vestri Orbis est! Quisve tam magnus, & seipso major alti Sanguinis Rubicon! Quis tam inexhaustus constantis fortunæ Eurippus! & quod tandem illud ( ut omnia complectar simul ) tam vastum, tam profundum, tamq; infinitum, Virtutum, Meritorum, Honorum, Decorumq; Tuorum, Mare est! Innatare possumus Laudibus Tuis Oratores, non tingere tantum pennam elogio; non siccitatem accusare styli, sed tota perfundi mente, toto mergi capite, optare magna pericula svadæ, nunquam tamen naufragium metuere: quia Tuæ Gloriæ culmen, etsi ita emineat, ut vix attingi possit, & si nos animum prope deijcimus, altitudinis formidine; neminem tamen culmen hoc dejecit, ut spem prosternendo affligeret; sua mole depressit neminem, nisi ut ab imo erexisset: Arduum culmen est, non inaccessum tamen; stat pro Pharo, stat pro terminali portu, ingentem verò dictioni lucem, Oratoribus affundit copiam, dum Oceani instar, sed sine tumore, assurgit. Jactabimur ergo per alta decora; & quantumcunq; singulis inhærere voluerimus, vix unum quodq; delibabimus: quomodo parvam celocem undæ undis, fluctus protrudunt fluctibus, & effugiunt. Ecce iam adversum aliquid experimur! quasi contra torrentem niti, & à portu abire longius necesse sit! Sed in toto hoc Antistes gloriosissime decursu, nihil non secundum, utcunque prima omnia; nihil non pronissimum, utcunque ardua, occurrent. Ad fontem enim illum rapimur, unde vetustissimi Generis Vestri Nobilitas caput. Rapimur verò in tot sæcula, in tot & tam dissitas Gentes, nunquam tamen à Te recedimus, nunquam non in Te propensissimis ferimur studiis: ita Majoribus Tuis Virtute propinquus es! ita Sanguinis gloriâ conjunctissimus. Nam, si præclara gentis Tuæ facta ut non uno loco, nec uno tempore admirationem meruerunt, obire memoria conabimur, ubique nobis occurras, quasi ipse egeris. Ad fontem itaq; Nobilitatis Vestræ retro agimur; quia Tu, à Majoribus Tuis descendis; & à Te vicissim quasi reciprocus Gloriæ Alveus ad Tuos defluit Majores. Accepisti Nomen? auctius remittis: decora accumul-

las;



las; vitam reddis immortalitate Factorum; sanguinem etiam refundis, sed purpurâ ornatiorē. ut ambiguum sit Tu prosapiæ Tuæ, an Tua tibi plus debeat prosapia. Nihil autem illi debere videris; postquam omne acceptum copiosissimè retulisti. Præclarum id: lucem compensare majori luce; compensas; aurum reddere auro; reddis; ipsam nascendi Fortunam ditare virtutum pretio, & ditas. Majores quoq; ipsos Majoribus Tuis effecisti Majores. Plerisq; postquam magnum Nomen in hæreditatem cessit, Patrimonium Famæ turpiter profligant; quasi de jure Nepotum esset: æquè relictas opes iniquo dominatûs abusu corrumpere, quam collecta à Parentibus decora per infames maculas prodegisse. Tu, commodatum reputas, quidquid laudis ex Majorum Gloria percepisti; ut proinde à Te ipso tanquam rigidus exactor repetas Nomina; quæ natalibus restituis, & superaddis. Nemo equidem negat: eas omnes, quæ Te exornant dotes, in Naturam & genium Gentis Vestræ refundi posse. Quemadmodum soli insitus est splendor, lux gemmis, vis occulta magneti. Sed quam pulcherrimum Tuæ Mentis inventum est: Naturæ genio ad ingenium uti modestiæ? ut, si laudationem evitare non possis; ad omnes pertinere malis, quam pro Te vel minimum arrogare.

Tantum non deprecaris Antistes Modestissime encomia; pacisci maxime arduo proposito cum laudatoribus Tuis malles; quam laudes pati. Patere tamen: quia nefas est Veritati intercedere. An Tecum inducias iniri fines; donec pulcherrimas ex Tuis Majoribus laureas, non alteri quam Tibi ipsi retulerimus. Triumphos interim age; nam audire invitus non potes, eam, quâ, & ipsemet, Parentes Tuos colis, gratitudinem; eam iterum Gloriæ felicitatem, quam Tu in illos derivasti, ferre ægrè non potes; nisi, cùm nulli unquam inideas, Te, Tuæ Gentis invidere volueris. Talem & hunc, cæteri vobis invident (jam enim vobiscum mihi sermo est) vetustate gravissima, meritis antiquissima, Sanguine Vestro florentissima SZEMBECIANÆ Prosapiæ Nomina & Numina. Vos pij Manes, Vos pretiosæ Heroum animæ, Vos immortalitate digni Heroes. Talem, inquam, & hunc, invideant vobis sæcula, invideant Regna; quem ad sæculorum Gloriam, ad Regnorum Fortunam, sed ipsis etiam ætatibus Vestris ad invidiam, procreastis,



Et quorsum tandem, post apparatus, quasi terra marique; expeditiones, post superata in ipso littore ( quia Gloriæ Tuæ altum nusquam non altum est ) naufragia, quorsum tandem defluxit ( si tamen defluxit ) Oratio ? aut in quem nunc primum orbem abiimus, aut ubi jam sumus, postquam huc usque; appulerimus ? Nova iterum præcipitandi desperatione animi causa ? quantum enim est Gloriæ Tuæ immensum, quod vix ingredi licuit, & jam Orbem ultra nostrum excesseramus ! Non unum ergo cælum, non una nos capiet tellus, dum Te prosequimur. Quemadmodum : vastissimus ille cælorum ambitus, geminis & per remota spatia disiectis continetur cardinibus, ut à se ipso distare videatur ; ita Domus Vestra. Hic verò jam polum conferre polo, basim respicere & apicem, meridiem comparare orienti, Vos, inquam, SZEMBECII, nunc his nunc illis locis, Honorum perpetuitate fixos & immobiles, nunc hac nunc illa cæli parte, auitis splendoribus magis & magis conspicuos, stabilitate & constantia virtutis ubique. firmos, ubique; altos suspicere par foret & mirari ! Sed, si tota Domus Tua Antistes Nobilissime Cælum est ; Tu, post primum illum Nobilitatis Vestræ Parentem, alter polus atque; alter vertex es ; si oriens ille alibi, Tu hic altissima lux es, quasi etiam fundamentum, fulcrum certè, & ingens Domus Tuæ columen, & veluti Supremum culmen, veluti præstantissimus apex, super-stas, & superemines, & prope Eminentissimus inter celsissima fastigia assurgis Princeps. Potes tamen ascendere ultra ; atque; te ipsum facile potes exsuperare, infra Tua enim merita serpit, quidquid non sublimius fuerit etiam Celsissimò. Tui Honoris sol, nunquam ad occasum verget, sed ad altiorem ipso suo meridie attolletur meridiem, prout verò Virtus te porrigit Virtuti, & prout Tu Virtutes elevas Virtutibus ; ita per Honorum abibis fastigia ; ita, quamvis Celsissimæ Domui Tuæ, frons, vertex, & Caput immineas coronatum ; alia Te manent insuper coronæ, quæ possint & supremas Tuas Infulas coronare ; & quibus, non plus ultra illud Honorum, id est Archi-Præfulum Gnesnensium Honor, plus ultra attollatur. Sed ab hoc arduo, iterum eò decidimus, unde eluctari cæperamus. Quamquam nec decidimus. altius enim longissimam Generis Tui Seriem repetere exorsi, à meridie ad phosphorum, à corde ad Caput, ab ingenti alveo ad fontem ipsum, ab uno denique; Regno ad plurima, & ab his, ad Imperium remeavimus. Et



Et hæc sunt incunabula stirpis Vestræ, hoc Meritorum thea-  
trum, hic alter Orbis. Mirum id & insolens: Quod Magnitu-  
dini Vestræ nihil decrescat; cum ad primam quasi ætatem an-  
nosum Genus reducat. Istud verò est: quod inter Majores  
Vestros, nemo vixerit ad Famam minor; quod prosapia Vestra  
infantiam Gloriæ nesciat; atq; ut primum enata fuisset, nun-  
quam repebat quasi projectior. Supra modum ingentia sunt;  
quæ nascuntur magna. Vestræ autem Domus primordia, ul-  
tra sæcula, ultra Viros, ultra Orbem processerunt. Non Con-  
sulibus, ut olim, sed Regibus, sed Imperatoribus computamus  
annos, quos vivere capistis SZEMBECII, & quos vixistis adhuc.  
Prima enim vobis ætas fuerat, quam Magnus ille, & Magno A-  
lexandro major Carolus, ille ille Carolus, simul Galliarum Rex  
simulque Romanorum Imperator, armis, triumphis, Sceptris,  
Virtutibus ad sæculorum prodigia, illustraverat, nec minus  
Nobilitate Vestra. Cujus nos quidem Authorem, si merita  
spectentur? in GORLACO SZEMBEK recolimus; si præmian-  
tis Dignitas? in ipso Carolo adoramus. Et nonne id Honoris  
Tui studiò actum putas, quod Majestatem Generis Vestri quasi  
curiosius perscrutaremur? nonne id gloriosum: quod quasi ad  
fundum originis devenerimus? procul es Antistes Modestissi-  
me, à superstitioso illorum fastu, qui in Prosapiæ suæ Monu-  
menta inquiri volebant accuratiùs; temeritatemque existima-  
bant: si in intima usq; Domus penetralia irrumperetur; & si nec  
reconditoribus, quasi cujusdam Templi Sacrañis, parceretur  
ab ingressu. Plerumq; igitur, ad primum magnarum Domuum  
limen consistendum fuerat; ne Diviniores illæ latebræ violaren-  
tur, ne familiari accessu vilesceret horror, ne tandem arcana Na-  
taliū ratio de facili ab omnibus perspiceretur. Res interim  
non carebat mysterio. Latebat enim aliquod post Cortinam  
idolum, quod adorari voluissent, videri non permisissent; late-  
bat forsitan non unum deformatæ Nobilitatis monstrum, cui  
Divini propè Honores affectabantur; ipsum tamen illud natale  
suum Numen, quasi Originalem labem erubesceret posteritas.  
Ut proinde, si Majores cujuscumque in censum Gloriæ revocaban-  
tur; constabat subinde: tantum sibi timeri à laudatione, quantum  
nec ab apertissimis convitiis. Notabatur itaque in ipso audien-  
tium vultu, ambiguum incerti Sanguinis decus; ubi palleret,



ubi nimum ruberet, ubi degeneraret, aut deficeret planè. Alij sub verecundiæ obtentu deprecari sollicitè metuenda elogia; abrumpere alij dictionem, quasi modestiæ interventu. Erat tamen flagitium quoddam degeneris fortunæ; erat infame generi probrum, ad quod devenire nefas grande foret, aut fatalis gentilitiæ famæ scopulus.

At verò Polonæ & Tuæ Nobilitatis sibi semper constans Gloria, inoffenso, ut semel cæpit ita pergit semper tramite. Inter fumosas vetustissimæ Domûs imagines nullam reperias: ex qua intaminatum decus obfufcari queat; vel quæ carbone notari possit. tantum id: ut ipsarum illarum paginarum, quibus Majores Vestri imprimuntur, atra licet sepia, de alto colore mutuari, de purpura Vestra attrahere, & quasi purpuratum Rosarum Vestrarum folium, videatur. Pulchra ergo cæli facies, quibusdam hinc indè obscuratur nâvis, interdistinguitur maculis; Tuæ verò profapiæ Zodiacus id est tritum illud sideribus iter, à signo ad signum, à Polo ad Polum, per immensa integræ lucis spatia, quasi quoddam fixi Honoris continuum, & æviterna sine nube dies effulget constâtissimè. Itaq; cùm Tuos Progenitores memoramus; loquimur Gloriæ Tuæ securissimi, & tantum ne moderationi graves simus solliciti. Possemus immorari, possemus neminè præterire; quia cujusq; Vestrum decora, adimplerent Panegyres, adimplerent Bibliothecas; at si in unū Te colligimus omnes; si quosdā, quòd singulis inhærere infinitū esset, reverentissimè transmittimus; non gloriæ certè Vestræ angustiiis premimur; non diffidentiae medemur; quasi consultius sit laudaturis, alios obiter attingere, aliorū vix meminisse, silentio involvere alios; sed, ne tot sæcula, quorū memoriam fatigastis, brevibus exhaurire Codicillis; & Vestræ injurium foret Magnitudini, & nostræ forsitan inconsultū temeritati. Quanquā, nec, Tuam Profapiam à fundamentis educere; nec pacata illa piorum Manum silentia plausibus Oratoriis interturbare, nec quenquam de vetustissima Gente, quasi ab immemorabili ad memoriam & vitam revocare necessum fuerat; ita Tibi Antistes gloriosissime sufficis abundè ad Gloriam; ita unus sufficis abundè Tuis omnibus. Nemo unquam persuasum habuit: exortus Vestros ancipiti mente explorare; nemo quasi in incertum Genus rigorosiùs inquirere: Cui enim tempori, cui Regno & cui non innotuistis; qui à tot  
sæculis,



Alij  
ogia;  
Erat  
ne ge-  
fatalis  
nstant  
e. In-  
as: ex  
nota-  
s Ma-  
e mu-  
Rosa-  
acies,  
macu-  
eribus  
tegræ  
iterna  
enito-  
um ne  
posse-  
mple-  
olligi-  
reve-  
is pre-  
datu-  
volve-  
vibus  
ini, &  
n Pro-  
anum  
vetu-  
vitam  
ufficiis  
. Ne-  
mente  
irere:  
i a tot  
ulis,

ſæculis, in tot Regnis, Imperatorum Fide, Regum approbatione,  
communiq; Omnium pro Nobiliſſima Gente Veſtra testimoniò  
Solis inſtar patebatis. Attamen: quantum vis ſolem, etiam ma-  
xime cæcus negare non audeat, delectat ſubinde, oculos immit-  
tere radiis, obire, numerare, inveſtigare ſidera; etiam vero ad-  
mota cryſtallo juvare palpebram, ut ſe, in intima uſq; Aſtrorum  
penetret. Nec indignatur nobis cælum: nec curioſos auſus cæ-  
citate caſtigat, vel ſacrilegam temeritatem perſtringit fulmine.  
Amant enim ſoles, reverenter ſpectari; ſua luce aſſurgent ſe in-  
tuentibus; quia non obſervantur ab incredulis, non ſuſpiciuntur  
quaſi ſuſpecti; non indagantur ut dubij; neque cenſorio lumi-  
mine perſtringimus Cæli lumina; nec utrum ſint, curioſo obtu-  
tu interrogamus; ſed quia ſunt, avidiſſimè intuemur. Amariſ-  
ſimum eſt: ſcientiam viſu repetere; pronum eſt: ea quibus ma-  
xime afficimur, luſtrare conſpectu oculorum frequenti. Et ita  
Domus Tuæ præſentiſſima ex antiquo decora, perſpectiſſima no-  
bis ſunt; ſunt tamen etiam grata, ſunt evidentia, Tibi quoque  
glorioſiora ſunt; cum ad triumphum, ad pulchram jactantiam,  
ad plauſus & tripudia recenſentur. Pariter Magnæ Domus, &  
ſui Generis tutò conſciæ, perſpici non refugiunt, explorari non  
timent; quemadmodum ingentes Xerxis copiæ, vel refertiſſima  
Principum æraria, vel Druſi, quam cryſtallo incluſiſſet, majeſtas.  
Domum autem Veſtram, tam patens Nobilitas inſedit; ut ad  
primos ſtatim intuitus evidenter demonſtrari poſſit; quantum-  
vis longiſſima cognatorum ſiderum acies, quaſi tota Mundi  
Sphæra, uno conſpectu nequeat comprehendere.

Perge ſæcunda Heroum, & Honorum feraciſſima Propago;  
perge ſæculorum victrix fortunatiſſima, in infinitum Gloriæ or-  
bem, in Cælum ſiderum, in Populoſam præſtantiſſimorum Viro-  
rum abire Gentem; Mereris enim recteſactorum multitudine,  
frequentiam, nec quidquam amittis de pretio; mereris ex Tuo-  
rum quolibet commendationem pro innumeris, nec vota exla-  
tias, nec, cum publicis deſideriis ſatisfacias ſemper, neceſſitati  
ſatisfacis; tales enim plures precamur à Superis, tales volu-  
mus omnes; ſed animos nemo magis implere poteſt quam  
Tuus, Antiſtes noſter: mereris denique ternitatem Virtutum  
Conſtantiâ, & nunquam poteris interire. Non illa Vos qui-  
dem inſcīnavit arrogantiâ: ut Proſapiam veſtram ante Se-



ptemplicis Nili Ostia, quod Ægyptij; vel ante Lunam, Arcadum more; vel cum sole simul, Persarū instar collocetis. Quid frustra veritati obstreperent fabularum mendacia? quid hominibus rationem adimerent affectatæ Divinitatis figmenta? Cæpistis aliquando & quod libenter fatemini, initia Vestra non probrò ducitis. Optimum est vivacissimæ Gloriæ temperamentum: nec nimium recenti, nec supra fidem vetusto Genere circumferri. Tali vero Vos moderatio Vestra imbuuit sensu; tali, moderationem secuta reposuit fortuna statu: ut nec quasi primum nata Gens intra Cunas prorepat; nec quasi ætate gravi fracta Domus fulciatur & inclinet; erigatur & sua mole fatiscat. Triumphant ergo Vestra tempora superbum ementitæ æternitatis ambitum; Cælò suò proturbatis fictos illos Deos; qui cum inter homines vix nosci possint; inter Numina reponunt originem. Indignatur enim nunquam satis fidens sibi præsumptio: si primordiis suis reddita arctetur intra terminos; si in turpe obsequium, parvos exortus magno astu cælanti superbiæ, non mentiatur Divina. At verò incertum Genus est quod hominum Scientiam effugit, quasi occulta Nili scaturigo; ambiguum atq; fidei difficile est. quod se ultra omnem memoriam arroganter jactavit. Et quam probrosè desiistis coævæ Superis Gentes, quæ vos cæpisse nunquam, perennasse tamen credebatis semper. Super has prolapsi fastūs ruinas immortale erigit trophæum, per vetusta; sed quæ figmentis sustentari non egeat; annosa; Sed quæ rugosam frontem adulationi opponat Nobilitas Vestra. Prodiistis enim in lucem, non quasi subitò apparentes umbræ; aut ex insidiis erumpentes copię quibus attonita interrogatione occurrendum sit; sed prodiistis in lucem. quasi promanantes ab isto qui noscitur fonte, alvei; aut propagati ab hoc, quem conspicimus, sole, Radii. Uberiore ergo Gloriæ proventu, plura de Vobis citra assentationem dici possunt; quam quæ ipsamet confingere posset assentatio; & si quidpiam plus, adulando, Vobis tribueremus; ad ignominiam dictum traheretur. Stabit interim intra Veri limites nunquam fallax Gloria; & tanto assurgit major; quanto certius maxima elogia convenire creduntur nihil supra fidem arrogantibus; quia facundissima ingentium laudum parens est, suo patrimonio contenta modestia. decet facerari ad quæstum Gloriæ: dum renuntiando indebitis, debita faci-



facimus, & pro fabulosis veriora, pro minoribus recipiuntur au-  
etiora. Itaque si Domum hanc antiquiorem Codro antiquio-  
rem quam Chaos & Saturnia tempora affirmaremus; multum  
vetustati & robori detraheret nimis exaggerata senectus; in am-  
biguo enim relinquuntur certissima; quoties narrantur ut incre-  
dibilia. Cæterum non novum Vobis est firmissima Nobilitatis  
authoritate confutare decrepita mendacia, atque edentulum li-  
yorem. Maturè vixit ad Gloriam, qui etsi fabulis posterior sit;  
diutius tamen sine detrimento perseverat, quam fabulæ ipsæ cre-  
di potuissent. Non igitur Gigantum fratres; ut aliena ambitio  
fidem excefferat & modum; non Cæli filios: ut incerti Natales  
celabantur olim; appellavimus. Ecce tamen Prosapia Vestra  
vetus est; quæ postquam capisset jam novem confecit sæcula;  
grandis ætate, grandis etiam origine est; quæ Ducibus, quæ ma-  
gnis primordia refert Imperatoribus; alta denique est, quæ su-  
um in terris cælum quò cunas reducat; suum habet Jovem, cu-  
jus Capiti exortus debeat fortunatos. Quod si iis, quæ gesta  
aliquando narramus: soliditatem & fidem adstruere consuevi-  
mus, prout personas, locum & tempora determinare contigerit;  
constabit jam omnibus indubitata Generis Vestri Gloria consta-  
bit Nominis antiquitas; virtute, Honoribus & Fortunâ; consta-  
bit magnitudo fundatissima. Quanquam nec totum id con-  
stabit; sed ingenti ad Famæ integritatem suffragio. Nam quòd  
GORLACUS SZEMBEK, merita Domus Vestræ ad summum  
fastigium extulerit; quodve pulcherrimo illi primæ Nobilitatis  
coronamento admoverit Caput; id quidem tam abundè nobis  
innotuit, quam certo sciri oportebat. Sed quia ad Virum hunc  
tam sanguinis, quam magni Nominis hæreditas defluxisse nisi ab  
Heroibus non poterat; Vos ego, ut vobis ipsis injuria, ita Ho-  
minum memoriæ malè fida tempora & testor, & in litem evoco:  
quòd tot Heroum Famam æternitati reservando, illos equidem  
ultra monumenta omnia evadere permisistis & quasi quædam  
Gentis Numina postquam eripuissetis terris; nubibus ac cælo in-  
volvistis; sed nobis ingentes simul ad Oratoriam laudem copi-  
as, per summum nefas abstulistis. Parcendum tamen est anti-  
quitati, dum hominum memoriam profligat: & cui patentissi-  
mò argumentò est oblitteratis literis pro se perorare. In unum  
enim Gorlacum tota confluit Antecessorum Gloria; & fontis



instar sese collegit compendiò; unde in apertum erumpere; in orbem diffundi, posset & in Posteror exundare. Annus prope Millesimus decurrit: ut Nobilissimam Gentem Fortuna in lucem edidit ac virtus. Serò quidem: nam solis incunabula merebamini. Sed partus ingentes sæcula progignunt; nec præcipitanter enascitur quidquid perennaturum est. Nobilitas certè Generis Vestri non inopinatò emerfit; non cum fulgure emicuit; non violentò fatò excidit; sed lenta mole assurgebat in fastigium, maturefcebat in florem; in meritorum coronamenta adolevit. O FLORES illos Szembecianæ stirpi avitos! O Cædris perenniores Rosas! nunc mihi jam silentia imponite Germanici Flori! nunc aut vos Flori Poloni pro me perorate! mea enim sub Rosam devenit svada, & juvat magis admirandum tacere; quam non floridè loqui de Floribus. Pæstumne? aut Hesperidū nemora, aut pensiles Semiramidis hortos obtinuimus? Omnia hæc, & longè plura, & si quis pulchrior terris colitur paradisus, in Nobilitatis Tuæ, Florentissime Antistes, natali solo colimus & miramur. Rosarum enim Vestrarum Patria, Romanum Imperium est? en pretiosam suis partibus Hesperiam! locus, ubi primo in publicum emicuerunt Rosæ Vestræ, Aquisgranum, nobilissima Imperij Civitas est? en Pæstum, Pæstò floridius! Rosarum denique Vestrarum feracissimus Campus Polonia est? Quid hortos invidemus Assyriis? quid quærimus alibi Paradisum? Singula hæc ingentem Gloriæ Vestræ messem ex destinato ferunt. Nec enim alio tempore felicius nasci, nec aliò explicari loco patentius, nec altero gloriosius asfertore in Nobilitatis venire insignia, nec convenientius donari cuiquam, Gentilitiæ Rosæ Vestræ poterant. Utrumq; pro dignitate, pro suppari Gloria utrumque: & quòd Carolus Magnus, & quòd Vobis. Imperator hic; tam rerum gestarum amplitudine, quam Magni cognomine orbem impleverat. Inter tot præclare acta, si non majus maximis, haud minus certè præstantissimis referri debet; quòd Szembecianam Virtutem, Imperii sui Flore coronaverit. Fecerat id: non quòd ita Dominantis libido instigaret; ut olim æmulata Deos potestas, de nihilo protrudebat quosdam in lucem; & totum unius Principis gratiæ debebatur, quidquid nobilitatis per familias affulsisset. Donabantur enim annulo quam plurimi; sed donabantur. Mi-

scebant



ſcebant Nomina vetuſtis Proceribus novi homines; quorum tota dignitas ab imperantis nutu dependeret. Veſtræ autem Indolis eſt: tam bene mereri de Magnis Regibus: ut ſuam illi debere Vobis gratiam, ſuam quoque debere ſe Vobis Magnitudinem fateantur. Purpuram Auguſtam, ſanguine pro purpura toties fuſo tinxiftis aktius. Roſarum verò decus, non magis ab Imperatoris Oſtro, quam à Veſtro ſanguine promanavit. Quid Flores miramur de Ajacis cruore pronatos? Ajace enim fortiùs conficiebatis bella, ſtrenuiſſimi de Gente SZEMBECIANA Heroës; & ſui ſemper prodigus Sanguis Veſter, in avitas Roſas effloruerat feraciùs. Non mollis hæc otij ſerta ſunt; non fluxus auræ popularis ludus, nequè relata ex proſtigatis cæterorum fortunis præmia. Nam ſi poterat pro levi quandoquè merito obtigiffe alicui Nobilitas; Generi Veſtro, non obſequioſa inter delicias aulæ vita, non adinventæ fraudes, non pertinaces patrocinantium preces, non munera & expenſæ gazæ Nobilitatem pepererunt; ſed durus labor, ſed ferrum, ſed Clades Hoſti illatæ, aut obitus triumphalis. Inter acerrima prælia, inter haſtarum aculeos, quaſi inter ſentes & tribulos enâtas Roſas, chalybs meſſuit. & tales Manipulos ex Martiali Campo retuliſtis; quales non mollis manus leviter carpiſſet, quales non ſpolia hortorum, non irritamenta effæminatæ naris, non ſpecioſum geſtamen ſunt; ſed Virorum faſces, ſed Heroum inſigne, ſed manipuli militares. Viſiſſemus: ferramenti horridam Heroum Veſtrorum aciem; ut ſe, gladiis, ut lanceis, ut acutiſſimis telis, quaſi ſpinarum rubus adverſis inferebat Caſtris; & ſentiebat hoſtis formidandos telorum ſentes; & expungebantur campò; & ſi tandem fatali ictu non conciderat, effugiebat congreſſum; vulnera non effugiebat. Sed acerrimæ Indoli non horror fuerat obijcere ſe hoſtilibus armis; pectore tela recipere, & rubo iterum ſimile corpus jaculari contra! inde exortæ Roſæ. Erant enim SZEMBECI Imperatoriæ militiæ Flos; ſed Flos, qui ad facta palleret nunquam; qui tantum Domæſticos luxus, & molles delicias erubeſceret; Flos erant cui Martius Campus, Patria; cui fuſus in acie ſanguis, vigor, vita, & nativus color. Igitur in præmium conſtantiffimi roboris, coronas, nunquam fugiente Roſa textas accepit Gens Veſtra. Quantum vero id: quod non alibi acceperit; quam ubi Imperatores coronabantur, ubi &



ipse Magnus Carolus. Cæsarum majestati, & Vestræ Nobilitati, par fuerat theatrum, fuerat idem. Nam quia Imperatoria hæc cohors pro Principum salute & honore decertabat animosissimè; quia triumphalibus armis ausibusquè fortissimis, toties propugnavit Reges, Regna sustinuit toties & ampliavit; quasi Vestra laurea, Vestra diademata forent, quæ imponebantur Regum capitibus; eò quòd Principes juvaretis ad solia; & quòd virtute Vestra promereremini illorū famam, prosperaretis bella, acceleraretis triumphos; laureas, Thronos, Coronas, seu pararetis, seu conservaretis. Suæ itaque inaugurationis pompam Imperator Magnus voluerat; se ad nova Sceptra inaugurari existimabat; aut multis in futurum Imperia parari ominabatur; dum Heroës illos, dumq; SZEMBECIOS Patria Dignitate inauguraret. Et quàm augustius emicuisse visa est Cæsaris purpura, inter Rosarum Vestrarum purpuratos Natales? Rosas enim murice suo imbuerat; & ab iisdem altum colorem geminavit. Suspexerat orbis, rubentem floribus illis Caroli Cultum; & quasi prædromam tot Procerum, tot Antistitum ipsorumque Regum auroram in illis Szembeciis salutavit. De Campo certè illo coronatæ Gloriæ feracissimo, tantum traxerunt succi Gentilitiæ Rosæ; ut & Domui Vestræ inviolatum per tot sæcula decus retinere, & semper renasci ornatius, nitidiusquè in murices sublimari potuerit hætenus. Sed Tu Celsissime Princeps illud etiam fastigium conscendisti; unde Principibus purpuras sufficere, dispensare diademata, munus Tuum sit, & arbitrium Divino simile. Quasi in naturam Generi Vestro abiisse videtur: quòd Regum Majestati tuendæ, conservandæ, præsitis & coronandæ. Cum enim non alius Vos locus in nobiliorem lucem ediderit; quam qui Cæsarum coronamenti natale solum fuerat; cognatum id habet Nobilitas Vestra: ut in honores Regios pronissimis feratur studiis, ut fide intendat omni; quibuscunq; demum Gentibus & quibuscunquè Regnis Prosapia hæc effloruerit; ibi tutò regnare Reges, ibi Regum florere Majestas, ibi maximè coronari. Agitis omnia Szembecii, & Tu Princeps Celsissime pro Gentis Tuæ genio agis omnia: quæcunq; Dignitati Principis in florem esse possint; nec proindè iniquum est: quòd Rosas Vestras, suarū & adjumenta, & decora Coronarum voluerint Reges; quodquè etiam in Majestatis consortium adoptent, quasi

maximè



maximè participes. Sed tantumne flori chalybis inest: ut coronario illi ferro, quali Caesarum fortitudo durabatur ad ardua, componi valuisset? accipimus id prodigio simile, si fluxam nimis pulchritudinem florum consuevimus incusare. At si firmissima Gentis Vestrae decora, si fortitudinem fatis infractam, si inconcussam agendi quidvis, & quidvis efficiendi robur, admirationem rapit? mirari jam desinimus Rosarum Vestrarum naturam tot saeculorum victricem, mirari desinimus rerum miracula; orbis tamen miraculum est: immarcescibilis Florum gloria: æternum in flore decus; humana enim ut defloreat, florent; Flores verò Vestri, simul Nobilitatis annulo, simul æternitate quadam circumdati, quasi Coronarius Imperatorum Chalybs, non turbines adversos timent, non aquiloni cedunt, Caput autem Tuum, imò Te ipsum Caput insuperabile fatis coronant meritissimè. Talis debebatur laurea & illis immortalitate dignis Heroibus: Vos Imperator ornavit Rosis, ubi ipse ornabatur ferro; sed & ferrum hoc, quò Cæsares coronabantur Romani Vestrum erat; & Martem spirantibus animis probrosum ex Floribus præmium, nisi Sanguineæ illæ Rosæ, Bella, ferrum, & Martem redolerent. Redolebant autem: quas non mollis Charitum sinus, non blanda Floræ voluptas enutriverat; sed dura Gradivi educatio, sed cruor progeniit Virorum. An enim bellicosissimus Imperator non erubisset quasi effæminatum munus militari Genti obtulisse? Majoresne vestri lenocinia gratiarum admisissent nisi tale donaretur Stemma: quod fuscum toties sanguinem quasi aperto ore loqueretur, quod prælia referret, quod Martem accenderet, testariq; posset Heroum Genus, hortari posset ad victorias. Exinde igitur bellica virtus capere florere magis; Heroes Vestri exinde novis animis in bella assurgere, quibus domi jam aderat præsentissima fortitudinis admonitio. Imperatoriis enim exercitibus, pro signis præfulgebant Rosæ, præferebantur pro manipulis; præibant Szembeccii Castris Duces, præficebantur bellis primi ad quævis pericula Antesignani; dum Imperatorum locò imperarent conflictibus, disponent & moderarentur populorum fata; id est: suos ubiq; Cæsares suos illos Magnos Carolos, nunquam degener Nobilitatis Progenies, præferrent gloriosissimè. Pleriq; magna Gloria parit inertiam, ut postquam ad culmen Honoris devenerint, ani-



mos deiſciant ſeq; in otia, & imbelles luxus præcipitent. Quod vero illud tam inſolens robur Indoli Veſtræ ineſt : vires expendere magnis curis; exactiſſimis in publicum laboribus atterere ætatem; fatigare ſæcula, fatigare hominum memoriam præclare actis; nunquam tamen languere, deficere nunquam, & nunquam fatigari! Divinum id! Vobis enim collata præmia, irritamenta ſunt meritorum; collati honores, novi tituli ſunt Regibus obſequendi: pulchra concertatione laceſſere ſcitis Principum gratias, ſcitis & vincere: quia, cum nihil jam majus Regnantis liberalitas tribuere Tibi Antiſtes Regni noſtri Maxime, poſſit; Tu plura merita congeris; Vos, præmiis omnibus majores Regum gratias promeremini; &, ſi præmia maximis majora, quæ tamen Vobis deberentur, deficient; promeremini ipſos Reges.

Redibo iterum ad Caroli Magni tempora: non enim ſons ille Nobilitatis Veſtræ exhauriri unquam poterit; quin alia ex aliis encomia copioſiſſimè affundat. Ab illa itaq; ætate, prope omnibus in Europa Regnis, omnibuſq; Regibus, quâ militari obſequio quâ Togæ officiis innotueratis! Et nonne idem erat, uni Carolo probari, quod Orbi toti; Imperator hic, compendium fuit Regnorum & Regum. quocunq; tanta Majestas ſe circumtuliffet; rapiebat orbem in ſui admirationem. Alios enim pertrahebat amore, ducebat alios in triumpho. Omnibus ille terris ſe penetraverat; omnibus Gentibus aut arma intulit ſi perperam reſtitiffent; aut vultum & Gloriam invexit, & reddidit fortunatas; Ita Galli Reges vel animos omnium ſubeunt, dum amantur; vel orbem victoriis peragrant dum timentur. Majores Veſtri Imperatori ſuo adhæſerant conſtantiffimè. eos nulla fortis injuria, nullaq; loci iniquitas à latere, à corde Principis diſſecerat unquam: ſcuta aut loricas duxiffes: quæ corpus Regum circumſtabant & tuebantur. Aderant SZEMBECHII, ad pericula, ad pugnas, ad triumphos, individui Imperatoris comites: Comites deinde & Imperii. Sequebantur Romanas Aquilas, Aquilis, in prælia velociores; ſequebantur Carolum ſuum ultra terrarum limites, ultra Pyrenæos, ultra Alpes, ultra Maria: quid: quod & noſtro Viſtulæ ſæcundos Heroum permiscuiſſent ſudores, quaſi ſemina futuræ in Polonia Propaginis, quaſi rores, totidem gemmarum parentes! Plerumq; raptis agminibus præcurrebant



currebant Duci Duces ! sternebant hostium cadaveribus triumphales Principi appias ; semper tamen sequebantur. Perspexerat Heroum illorum virtutem, novos admirata Fabios, Italia : cum Carolus Magnus, Adrianum Pontificem, Romamq; simul, à Desiderij Longobardorum Tyranni jugo vindicaret ; id est : cum sua SZEMBECHII obsequia Romanis Pontificibus exinde dedicassent ; suum sanguinem suasq; ROSAS tempestitiva Religione Pontificiis Coronis devovissent. Coluit Redivivos Scipiones & Hispania : cum Imperatoris ejusdem auspiciis Mauros ingenti clade funderent, fugarentque. Inde profligati Bavari, inde repressi Hunni, inde etiam Saxones, si quando Principi suo rebellassent, ad officium reducti, sentire & testari poterant, SZEMBECIANUM robur, fidem, magnanimitatem. Illudne silentiò prætereundū : quòd florentissima Galliarum Lilia, nonquam floruerint pulchrius : quàm cum ROSÆ Vestræ efflorescerent. In ea enim tempora, Nobilitas Virtutis Vestræ, non sine Numine, inciderat, quibus amplissimum illud Regnum, totius occidentis, an totius Orbis Imperiò auctius, in auge rerum, in felicitatis meridie constitisset. Poterat id non vanum omen accipi : Flores Vestros, ad supremam Regnorum gloriam natos ; Honores Vestros, Sceptrorum esse Florem ; atque, tunc maximè futura Regna in flore ; cum Vos regnatis maximè. Occidentali itaq; Romano Germanicorum Cæsarum Imperio, prout à Carolo Magno cæperat, coævum est Genus Vestrum ; estq; etiam propè cognatum : simul enim Carolum Leo tertius Pontifex Maximus ( & Leonem spirabat semper Cæsar ) Augustissimo inauguravit throno ; Carolus simul, prosapiam Vestram Rosarum Purpurâ exornavit. Prodiistis iisdem fere incunabulis, quibus prodeunt Imperia. Aquisgranum, tam Cæsarum Coronis, quàm Floribus Vestris natale solùm est ; Aquisgranum purpurati Honoris fons coronatus, ad quem & nostra oratio ut fluere cæperat, defluxit ; & Vos, hoc de fonte profluxistis. Quantum verò debuit Imperatori suo, renascens in Occidente Imperium ; cujus augustam infantiam & reflorescentem post tot fata ætatem, ROSIS Vestris pro murice omni excepisset ? Sed nec Romana Imperatorum Aquila, nidum suum texuisse poterat majestuosius ; quàm de floribus Imperialibus : hodie, Poloniarum Aquilarū Nidus, Gnesna, suam Regniq; fortunam inter ROSAS Vestras parit, spem fovet magnam ; ipsa verò Aquila, quasi



Alter Phœnix in florentissimo hoc Nido renasci videtur ad solem;  
id est: Tuô PRINCEPS CELSISSIME animô, animari.  
Inde jam palàm constat: SZEMBECIOS vixisse nunquam &  
nunquam vivere ad Regum Regnorumq; exitia, ad publicæ rei  
detrimenta, ad Majestatis iacturam: nasci autem & vivere ad  
Imperantium augmenta, ad Communis Boni lucra; vivere Prin-  
cipibus ad quæstum Gloriæ, ad magnos titulorum proventus.  
Quasi in præmia gratiarum, quibus Gentem Vestram jure meri-  
to fovebat Imperator Carolus, percepisse videtur nova Sceptra  
Populosq; plures: & nunc, sibi commodare Reges, suo throno,  
suisq; Sceptris providere; dùm vos honorant: Vestræ enim hæc,  
fortunæ, Vestræ etiam sollicitudinis, consilii, laborum, & nullis  
casibus prostratæ fortitudinis prodigia sunt: potuisse alibi occi-  
dentale Imperium novo salutari oriente; alibi occiduos thro-  
nos, occasuras Coronas, & inclinatos ad occasum Soles potuisse  
renasci, atq; in novam lucem emergere; quibus Vester Sanguis,  
Vestræ Purpuræ, Rosarum Vestrarum aurora, ad repetitos exor-  
tus præluxisset. Nam quamvis primus ille Originis Vestræ as-  
sertor magnusq; Nobilitatis Parens, fatis tandem, ut homo, con-  
cesserit; benè tamen mortalitati occurrerat, ut dignum immor-  
talitate Numen: occurrisse tempestivius non poterat: quàm,  
cùm ipso illo quo vitâ excessurus erat tempore, Gentem Vestram  
nobilissimæ luci edidisset. Præsaga nimirum funeris sui, in Di-  
vino Imperatore mens, mortalitatis jura exsolvere nolebat pri-  
us; donec Vos, perpetuo Nobilitatis jure ad immortalitatem  
extulisset; id est: donec meritissimis illis Heroibus præmiato-  
ria justa persolvisset. Hoc verò, Cæsarum Augustissime fuerat:  
tot bellis, tot victoriis, tot Regnis, quasi supremam impoluisse  
Coronidem: si coronarias ROSAS in avitum insigne, Heroibus  
Tuis donavisses; & ipse, quasi confecto vitæ cursu, post emensa  
gloriæ Olympia, talem Tibi Coronam pro termino Coronarum  
præfixisses. Sed cælum Te forsitan vindicaverat: ne quid, post  
illud immortale factum, fecisses mortale! Nemo deinde Regum,  
vitâ & Thronô decedere poterit: nisi lucem dederit SZEMBE-  
CIIS; aut tunc decedent forfunatissimè: cùm vos reliquerint  
immortales. In Vobis enim vivunt Reges: qui Cor atq; ani-  
mus Regum estis! vivit alter Vestrùm, arcanorum Regni con-  
scia, & suo Principi maximè intima, ad mentem omnium, mens.

Tu



Tu PRINCEPS CELSISSIME, vivis alter, & fatis superstas omnibus, quasi immortalis, Religionis virtutisq; Regiæ, nec non totius Regni Spiritus: animo uterq; spiratis in uno, & vitam sufficitis Principi; ut vel occumbere nequeat quamdiu vivitis; vel si immortalitate dignus Princeps poterit occumbere aliquando, in Vobis debeat perennare. Ita perennat hæcenus: ita mortem suam animat, ille adhuc SZEMBECIANI Generis Author Magnus Carolus: quia nec alibi sepeliri voluerat, quàm ubi Nobilitatem Vestram progenuisset. Cæsaris ergo Mausolæum, stat æternum Prosapiæ Vestræ monumentum. At si aliquis nostrum, cælo illi, quo tantum Numen reconditur, avindam aurem immittere auderet; si, in secretissimum quiescentis Imperatoris conclave, vel oculos penetrare; perciperemus forsitan: ut tristia illa silentia, quasi majestuosis plausibus perstre-punt; ut Sepulchralis horror arrideat; ut dura marmora mite-scant; ut festiva gratulatione commoveantur pii, Cæsaris Manes! Et unde calor tantus mortuo frigori? unde animus morti? ROSARUM Vestrarum, amænissimum floridissimumq; ver, tetricam hyemem propulsavit sepulchris, propulsavit funestos mæ-rores: fecistis enim Parentales illos cineres tripudiare; tulit ampla solatia defuncto Imperatori propagata per Orbem Nobilitas Vestra, cujus ipse Parentem ageret; donec vixisset. Alibi sepulti honores pallent, pallent honorum mortes, nec jam noscuntur: Sed purpuram Caroli, non funestarunt atra fata! quia ex natali Florum Vestrorum solo, succum & muricem: ex ROSIS, vivum colorem & jubar attrahit, extincta licet Maiestas. Decent mortuum Imperatorem incisa marmori trophæa: decent triumphales exuvias detracta superbis Regibus spolia: profligatæ Gentes, comparata bellis Regna, palmæq; laureæq; innumera, ad vitam revocant æternum Cæsaris Nomen. Sed Principi nihil decentius ad gloriam: quàm eorum merita illustrasse; qui pro Principis Gloria vitam cum sanguine expendisse, non dispendum putaverunt. Ut proinde: quasi suam mortem rependisset Imperator in immortale præmium, tot & tantis, fortissimorum virorum mortibus. Id est: approbandis Nobilitatis Vestræ juribus, non manum tantum, sed totum apposuit corpus, quasi æviterni, quo semper gauderetis, juris corpus. Nec ceris duntaxat illa firmaverat; sed lapide stabilivit sepulchrali, quia



tam Sacrosancta volebat, tam tuta & immunia : quàm nefas sit, Regum monumenta violari ; & quàm securum agere oporteat, cuius vita & dignitas Regio corpore defenderetur. At enim dum Tuam PRINCEPS CELSISSIME Profapiam fatis eripimus omnibus ; nostra ad scopulum impegit Oratio ! Usque adeone, tumulo intulimus æternam Gentem, & mortuis, quasi exsanguem, conssepelivimus Imperatoribus ? Intulimus, conssepelivimus, at neutiquam exanimavimus. Trophæa sunt, non funera ; incunabula, non sepulchra ; propugnacula, non ergastula ; quibus extulimus quidem S Z E M B E C I O S, sed fastigio. Nam Imperator ille Vester, mundo hoc excefferat, quasi alterum orbem cum Magno Alexandro quæsiturus : Vestri pariter Nominis fama, diffudit se latè per Orbem, per circulos Imperii, per Regna. Transiistis ad succedaneos Imperatores, quasi præstantissima Regnorum hæreditas : Vobiscum, Sceptra, Diademata, Thronos, transmisit Nepotibus ille Cæsar, cum throno & Sceptris Vos reliquerat quasi Gentem apprime suam. Nec reijci poteratis : æstimabatur in Vobis & præferebatur ad exempla, Caroli Magni virtus, quam Generi vestro, quasi partui suo indiderat ; cum Nobiles procrearet. Noscebatur gloriosissimis factis nunquam degener Nobilitas : cui altiore sanguinem cui deberet alti sanguinis originem ; & fovebamini Imperatorum gratiis, adhibebamini gerendis muniis, quæ ex longo usu geretis ; Ingenium & morem abierat : exercere arma, accumulare victorias, insistere famæ, augere Nomen, agere deniq ; omnia pro gloria obsequii, quod præstare Principibus consueveratis. Infallibile dignitatis & meriti argumentum constans Regum favor. Nam quod probemur uni, præjudicare unius gratia non potest arbitrio cæterorum : Sæpè pertinax simulatio, sæpè morum similitudo, quandoq ; adulationis vel casuum fortuitorum felicitas imposuit animo ; at si cujuspiam pretia non interrupto alveo, à tempore ad tempora, ab homine ad homines, à Regibus profluxerint ad Reges, non torrens ille, non umbra virtutis est : sed grave continuati recti ævum, sed maturissima, quæ bona fide testari pro optimis, & quæ adjudicare meritis debeat, cunctities. Non aliter processit, neq ; aliter consenuit Genus Vestrum : sæcula exegerunt ROSÆ, gratiis Regum nutriti Flores, & gratiarum tenacissimi semper, quia pudoris, quia innocentia  
& nun;



& nunquam pallentis metu fidei ex antiquo servantissimi. Non  
extimus color est : qui pingit oculo rosas ; ita animos Vestros  
penitus imbuat, totamq; penetravit mentem omnigenæ virtutis  
succus. qui nec duris fati deteri, nec variâ fortunâ variari, nec  
famulari tempore, aut exeri possit invidiâ, quemadmodum à na-  
tura insitam verecundiam nunquam amiserunt rosæ, nisi cum &  
ipsæ simul interiissent. Quid mortuas Cæsarum memorias ob-  
trudit antiquitas ? quid marmora loquuntur muta ? subruit veri-  
tatem injuriosum tempus. aut in adulatorum mendacia desævire  
ultor atrocissimus. En viva demortuorum Regum monumen-  
ta ! en fati omnibus superstites Heroës ! in quorum fronte, in  
quorum pectoribus, in quorum etiam vulneribus, veluti pro-  
fundo æri aut auro incisa relegas magnorum Imperatorum fa-  
cta, triumphos, Gloriam. Vestram enim Gentem, pro statuis,  
pro colossis, proq; obeliscis omnibus erigebant Reges in cul-  
men ; quos nominibus suis inscripserunt, quibus se in longas æta-  
tes porrexissent ; quos tandem æterno Regum honori in Capito-  
lium, inq; omnium Gentium aram dedicassent. Tam stabilis  
ergo virtus obfirmavit Prosapiam Vestram famâ, obfirmavit ho-  
noribus, & fecit fundatissimam. Concertare de Vobis viden-  
tur suprema orbis capita, concertare & Regna ; si deestis ? invi-  
dent ; & æmulantur ut præstò sitis, & præripiunt. Non pretiò  
tantum & amore Vestri, sed quasi indigentia, commovistis  
Principum animos in contentiosam affectationem : Te P R I N-  
C E P S. C E L S I S S I M E exambiunt ; qui exambiunt coro-  
nari ; coronatos jam, ambitus quidam perurit adhuc : favoribus  
novis vos cumulandi. Merentur id pertinacissima studia, la-  
bores improbi & nullis parcentes impensis curæ : quibus, pro  
Regum & Regnorum integritate, usq; & usq; contenditis. Lu-  
ctamini enim cum fati : & propè vincitis ; adversa reprimitis  
adversis ? fide, fortitudine immobili, studiisq; constantibus supe-  
ratis. Legent posthumæ ætates fidelitatis exemplar ; trahentur  
subditi Populi in obsequia Principum, Vos imitando, tantus in  
tuenda Majestate ardor quem non accenderet ; inter tot enim  
luctas, dum intensissimis conatibus, sustinendo throno, sustinen-  
dæ publicæ rei, adnitimini ; propè sanguinem desudatis, & exa-  
stuentes civilibus odiis animos, tantum non sanguine præstin-  
guitis. Efficite studiosissimi publicæ felicitatis id precor, quod



agitis semper; efficite tandem: ut expirantem Poloniam, suo Regi, id est suo Capiti: suae libertati, id est suo Cordi: ut Polonia suae vitae, suae ad mentem Patriae, menti; id est Polonos reddatis Polonis! Vos magnos Patriae Patres colemus perpetuo: Te Pro-Rex Celsissime Gnesna Lechum; Te renascens Lechia, quasi primum Parentem salutabit Gnesnae, & coronabit! nemo proinde mirari, nemo & indignari potest, quod ab ipsismet Principibus, veluti perfecta veri erga Principes amoris idea praeferramini: curae sunt Diis, qui Deos curant: nisi quod terrestria Numina sibi optime prospiciant; dum Vobis auctoritatem suam impertiuntur. Post Caroli magni obitum, successione devenistis in pretia Regum: qui non prioris tantum sensui, sed & propriae concedebant conscientiae: ut Vobis afficerentur. Propagat se aestimatio Virtutis Vestrae, à Regibus ad Reges, ad Regna ab Imperio: nec reperisses purpuram, cui Rosae Vestrae, ut primo in altum sanguinem erubuerant, decoro famulatu non commodassent. Jam Carolis, jam Henricis, & Rhudolphis, praeter hos, pluribus, in delitiis, in pulchro usu ROSAE Vestrae fuerant: Maximiliano autem, supra hos & plures in honorum augmentis. Nam succedanei Caesares, cum illis virtutem Vos Vestram probaretis, lata de Vobis Antecessorum judicia, novis sensibus approbabant, subcribebant non invita manu vetustioribus authorographis, cum merita Vestra, Regnorum Regumque fastos adimplerent, cumque Vos sanguine fuso indubitata scriberetis testimonia haericae Virtuti. Ita unusquisque Principum, suae vos aetati, suae arrogare voluisset auctoritati: nullus tamen negaverat: SZEMBECIANAM Nobilitatem multorum Regum Sceptis fuisse antiquiorem. Si quis ergo ceris Vestris sua sigilla suumque Nomen imponere voluisset; invadebat aliena, nec violabat; quia Vos, & publicae fidei, & praescripto à Regibus Juri, fidem & robur adstruebatis factorum pondere.

Inter haec, dum vetustatis codices evolvimus, dumque ipsi novas paginas elogiis Vestris implemus; forsitan non levem incurrimus censuram: quasi intolerabilis styli superbia foret: Principum thronos, nec aliud ferè, pro loco arrogare oratorio! ergo humi serperet dictio, si non per solia volitaret? at verò sitientissima Honorum Vestrorum penna est, quae e purpuris duntaxat laudationis colorem & succum trahit: quasi denigratura, si non

muricem



muricem biberet pro sepia. Et unde nobis major, tam verborum quàm rerum laudumq; vestrarum affunderetur copia, ne emendicato viveremus; ne encomia Vestra, quasi stipem hinc inde colligeremus? Purpura Vos decet: non cento precarii honoris. jactamus id palàm: non pati penuriam Oratores, quoties vobis concinnant elogia. ex Regum enim gazis sustentatur oratio. & non deficit. Abundè hoc! ne quidquam adimitur stylo, quod se familiariùs thronis ingerat: ubi enim quæri: ubi debetis reperiri, si non prope Regum Solia, si non prope in Soliis? Vos quisquis laudando accedit; Principum penetret penetralia; Regio lateri dicendi fiduciam, ori Regio dictionem admoveat, admoveat & aurem. nam, cùm pro Regibus loquendum est: Vos loquimini; cùm pro Vobis? ipsi loquuntur Reges. Exinde, majores ausus, impetum & vires, desumit panegyris; cujus auspicia ab Imperatoribus, cujus exordia à supremo Orbis Capite, cæpta sunt. Horum ductum sequimur, hos imitamur: quoties Vos laudibus adorimur. quasi interpretes sumus Regiæ mentis, quasi officium gerimus effata Regia referentium; sentimus enim de Vobis quæ senserunt olim & nunc sentiunt Principes; dicimus, quæ prædixerunt; nec alia describimus quàm quæ illi adnotassent. Quanquam injurium videtur: magnam Cæsarum Chartam, in breves paginas, augusta diplomata, in angusta redigere compendia! sed, nec legisse omnia suffecimus; & si legissemus, venerabundò silentiò prætereunda erant: ut vel Soli Vobis attribuant Reges; vel plura de vobis evulgata sint; quam nos possimus exaggerare. Utemur itaque, non insolitò promovendæ orationis artificiò: id est: Cæsarum testimonia producemus: quò dictis publicam fidem, fidei auctoritatem, auctoritati Vestræ, conciliemus Majestatem. Aut conticescendum interim est: dum Reges in summam extulerint quæ diximus; dum repetendo, approbaverint; sive dum adjiciendo plura, novam suppleverint laudationis materiem, plus ultra dicturis. Nullus equidem Imperatorum vixerat: qui, postquam virtutes Vestras, quasi volumen luci publicæ paratum suis oculis usurpasset; illas judiciò suò non collaudaverit; sua manu non subscripserit; suarum etiam gemmarum prælo non mandaverit, opera scilicet hæroicæ virtutis, reimprimenda millies, & semper communi approbatione, orbisq; notitiâ dignos labores. Vestrorum Hero-



um ingentia merita. Henricus Septimus, Carolus Quartus, atq<sup>ue</sup> Rudolphus Secundus, authenticis tabulis consignaverunt. Nec erubescabant Imperatores illi, præconia Vobis dare. Regum enim officium est, de probitate palam testari; supra omne autem vulgus, nunquam vulgarem Generis Vestri Gloriam extulerunt, evulgando. Libet jam Henrici Septimi verbis elevare stylum: ut vobis composuisse panegyrim ipsi Cæsares videantur. *Pro vestro, ac Imperii nostri statu* (ita ille, magnum aliquod suæ famæ Nomen Henricum SZEMBEC deprædicat) *pro nostro*, inquit, *ac Imperii nostri statu, multis in locis, periculò personæ ac substantiæ placere meruit.* Placuerat verò maximè, cùm Romanum Imperatoris ejusdem diadema, contra Apuleiæ Regis vires, sustinuisse conaretur. Et ista est ROSARUM Vestrarum prima gratia, hic lepor: placere Principibus, non turpi assentatione, non simulatis obsequiis, non verborum lenociniis, aut venustò blandimentorum venenò; sed fide, sed magnanimitate, sed placere virtutibus. Dictum de uno, accipimus dictum de omnibus. Quia SZEMBECII, Coronas Regum, *periculo personæ, periculo fortune*, hucusquè contendunt propugnare; & Regibus hucusque placent. Paribus vos encomiis posteritati commendavit Carolus quartus. paribus, ætati propè nostræ declaravit Rudolphus Secundus; ubi annosam Generis Vestri vetustatem, ubi antiquissimas laudes memorant & describunt. Enigitur, Supremos Honoris Vestri apices! en primæ notæ elogia! ultra hæc, quonam calamus efferre se poterit; dum Cæsares Vestro Nomini subscripturi, pennâ utuntur pro Sceptro, & regnant ornatius. Carolus Quartus, auream Bullam condiderat; cui, totam inaugurationis Imperatoriæ seriem, modumq; inclusit; sed nec alia manus, sive ingenuitatem Vestram, sive militaria Heroum Vestrorum balthea, sive triumphos gloriæ, exornavit. Debebant Heroës illi, aureâ bulla donari non semel, quod in bello se gessissent viriliter; prima Familiæ Vestræ ætas, præferre debebat pretiosum insigne; quod nunquam fuisset vilis; si tamen scriptorium illud & scriptile aurum, à Principum electione quasi à materia, pretium desumpserat; illi, Vos, ex ordine includi merebamini; quod ordinarium officium habeatis, ad inaugurations Regum conferre; itaque Carolus Quartus, aureum opus è manu & mente iterum profudisse videbatur, dum SZEMBECIANAS Virtutes æstimationi



tionem publicam descripsisset. Repandite tantum, similes in pretia Vestra gazas, repandite omnes, quotquot hactenus, datis ad Vos, datis pro Vobis literis, Regales dextrae condiderunt; & quotquot, ne perspicui possint ab omnibus, modestia Vestra recondidit. Illud novimus optime: quod si ROSAE Vestrae centifoliae essent: ita illas, suis Principes nominibus, suisque impleverint characteribus; ut ROSAE Vestrae, plus sint, quam centifoliae. in bibliothecas, sed foliorum Regalium excreverunt elogia, quibus Nomen Vestrum iam inde celebratur. Illis, ne compendio detrahamus; agite vos ipsi, magna Principum ora Referendarii; agite, Regibus intimae, mentesque; dextraeque; Pro-Cancellarii; agite & Vos, viva vivorum mortuorumque; Regum oracula, Vice-Reges! Vos, inquam, agite, quod semper agitis SZEMBECII; & quorumcunque; Regum de Gente Vestra sensus, referte factis, ut refertis; effata, explicate exemplis, ut explicatis; probatissimarum Virtutum documentis, ut comprobatis, comprobate. Et tantum abest: ne quando Gloria Vestra a primavo flore degeneret; nunquam enim auditis in deterius; quin Profapiae huius feracitas sit: propagari in Proceres, propagari in Gentiles, in Stemmata renasci, de antiquo tamen decore amittere nihil. Vobis non damna compensantur novorum insignium adjectione; non mutatur Nobilitas, cum augetur; nec quasi deperditorum loco succedit, quidquid accesserit. Amplitudo Vestra capax est magnorum, capax plurium, sed sine ambitiosa affectatione. Ita, quae & ROSARUM Vestrarum foliis excepta sunt laudum monumenta, quasi marmori aut aeri insculpta, nec aboleri, nec obliterari queunt; lapidibus tamen & metallis fecundiores ROSAE fruticantur in Gloriam. Vidimus Flores Vestros, jam Regum Coronis circumambitos, cum Vos exambirent Reges; jam Circulis Imperialibus coronatos, cum Profapia, simulque Virtus Vestra, per totum diffunderetur Imperium; orbe etiam, quae maior est, toto, Flores vidimus circumdatos, cum Hispaniam, Italiam, & Gallias fortitudine peragraretis. Non ii tamen Avitum Stemmatum Vestri campum concluderunt limites: ut aditum praclusissent omnem, novis insigniis; nec tam angustis exilior fortuna se coarctavit spatiis: quin per nova accedentium decorum augmenta, patere latius potuisset. Quid, quaeso, bene convenit Ibicibus & ROSIS? quid Capreae hortos

H.

juvant?



juvant? nimirum: utcunq; alienam famam seu tempus rerum edax, seu tempore edacior invidia, aut violenta fors arroserit; Vobis calamitatem inferre nemo potest; & si intulerit calamitatem vertitis in decentiorem fortunam. Non illos hîc acri ob- jurgatione perstringimus: qui partæ à majoribus gloriæ infensi, congestis in Nomen suum ultro probris, familias exscindunt pro- prias, ceras avitas frangunt, atria imaginibus despoliant, talium corruptissimi mores, nihil integrum reliquerunt Domi; flagitio- sa vita, exanimavit nobilissimam originem, & per summum par- ricidii nefas exspirare fecit Progenitorum famam. At Vestrum nullus unquam vixit, in suæ gentis detrimenta; conservastis ve- rustos natalium splendores, quod satis pro integritate Domûs foret; elaborastis insuper ( ut nunquam turpi inertia delitescitis) ampliores domesticorum decorum proventus: quod Vestrorum meritorum magnitudinem, & quasi ambitiosa Principum erga Vos studia exaggeravit maximè. Carolus ergo Magnus, pro- avitis Ceris Flores vobis voluit. etiamne voluit ex Floribus Ve- stris alienas Ceras ( prout Vestri jam hodie muneris, & tantum non potestatis est, aliorum Nobilitatem exsudare ) Maximilia- nus autem, de Gente Austriaca Imperator, geminum apposuit stemmati Capricornum; quasi cælò defluxissent sidera cum rore, in ubertatem decorum, in pulchriorem ROSARUM Vestrarum Florem. Erat hoc insigne congruentissimum meritis, qualia Maximiliano Cæsari Henricus itidē SZEMBEK præstiterat; qua- libus se cæteri quoq; probaverunt. Nam sicut olim, perniciosi- mis animalibus celerior Heroum Vestrorum fortitudo, exsupe- rabat Alpes, exsuperabat Pyrenæos, & nulla virtuti bellicæ invia fuit via, ita constanter, celeritate incredibili succurrebatis inte- gritati Cæsarum. Et nonne succurristis? cum unum ex Vobis Henricum *Conservatorem suæ vitæ & honoris* Maximilianus Impera- tor appellaret. Eodem vocabulo noverunt vos alii Reges; eo- dem etiam nunc ardore, aliorum Regum Majestati, oportunas suppetias, in tempore adferre, potuistis. sive ergo Rosarum spe- ctemus sanguinem: sive celeritatem Ibicum? Generis Vestri fer- vor est ac impetus, deproperare merita, in subsidium Reipublicæ abripi, ire per adversa, & nunquam tardare. Sed nos hæremus attoniti: quàm promptum Vobis sit: in consiliis uno ictu asse- qui omnia & penetrare; quàm expeditum: eò jam pervenire, quò



quò collimant alij; etiam verò efficere quidvis & exequi, antequam alij cogitare, antequam præmeditari, vel si itur in contrarium, antequam possint obviare! Pervaditis sagacitate, Principum aulas; penetratis acutissimo sensu arcana conclavia; tantum non animum uniuscujusq; penetratis! Vestrae perspicacitati, Vestro acumini debent regnantes, si ad omnium mentem regant; si privatam cujuslibet propensionem, publicis commodis conciliare sciant. A Vobis subinde accipiunt tempestivos, quasi Deorum præmonitus: ut anteoccupare hostes, ut evitare pericula, ut fraudes internoscere, occurrere futuris & subvenire. Impigro enim studio prosequimini cæpta, proposito insistitis, vigorem & animum negotiis inspiratis, nec languescitis. Quid plura prosequar? facile habetis, & prosequentium studia celeritate gloriæ prævertere (ita per alta culmina ferentem se fortunam, nec pennâ assequimur;) facile habetis, & persequentis (ut semper fortunæ comes est invidia) livoris impetus, non tam effugere, quàm eludere.

Pendentem summa Capream de rupe videbis;

*Mart.*

Casuram speres? decipit illa canes

Vestrae autem Capreae poterant, etiam leonibus cornu objicere, poterantq; feros terrere dracones. Sed Tuæ PRINCEPS CELSISSIME modestiæ, non amplius quasi cornupetam stylum obtrudemus: non, Cælestem originem, non, collactanea summo Jovi Astra, familiares & propè cognatos Capricornos, non, dives Amaltheæ cornu, non, aras cornibus frequentes memora-  
bimus. quò enim pererraremus fabulas: cum de Vobis narrari gloriosa non possint, nisi vera; aut quid tamdiu inhæreremus exteris: cum domi simus.

Jam enim Gens Vestra orbem invexit Poloniae, & sive RO-  
SIS, sive Ibicibus, sive Heroibus Vestris stat patentissimus cam-  
pus Polonia. Illa Vos accepit hospites, (quanquam fortibus  
viris ubiq; Patria sit) mox fecit Cives, quia vel inquilinum no-  
stræ terræ fuit, quidquid præstantissimum peregrina tellus enutri-  
visset; vel quia celeberrimi quacunq; orbis parte viri, non aliud  
sux virtuti theatrum amplius, non aliud Nobilitati solum nati-  
vius, atq; adeo securius, adoptare possint. Invident nobis for-  
tunam regna: & quòd invideant, sæpe detrahunt; sæpe in exci-  
dium Nobilissimæ Gentis conspirarunt, ne invideant. Habet



enim Polona Gens singulare aliquid, quò cæteris odiosa sit, sed appetibilis simul. Contemnere solemus bonum, quò caremus; super omnia æstimaturi, si non frustra desideramus. Undiquè ergo concurritur: & Polonia in voto est. Polonia, bonorum omnium promptuarium: Gentibus omnibus suppetiæ grandes, Polonia. Vos equidem, ingentia decora intulistis Regno; nec quasi egentes gloriæ, advenistis. Sed cum cæteras ditiores ditassetis famâ, parum vos collegisse purabatis, nisi nostrati genio probaremini Talibus viris egebat Regnum: non quòd penuriam Heroum pateretur; erat enim Gradivi Patria; sed quòd pro suis adoptaret, fortissimos quosq;. Jam quid bellicosissimæ Genti nostræ ad robur venisse præstantius poterat; quàm Triarii illi Vestri: Hieronymus, Henricus, & Alexander SZEMBECH. Tres flores, totidem viri; in his virorum flos atq; militaris gloriæ; Sceptra Lechica tenebat, qui profapiam Vestram Regnò & finu recepit Sigismundus primus. Fidem temporum illorum appello: non pulchrius unquam floruisse statum regni, quàm cum Vos, florentissimum Genus, accessissetis. tunc enim Poloniæ limites, adjectis Provinciis extensi; tunc novæ terræ adjunctæ; quasi ut ampliore loco tanti hospites reponeremini. Igitur Sigismundo regnante, sub Annum 1507, tres illos Heroës Vestrumq; Nomen huc transtulit, Bartholomæus S Z E M B E K. quidni verò, ut gentilitiæ aliorum arbores, ita & ROSÆ Vestræ crevissent abundantius, quòd quasi transplantatæ e terris in terram commigrassent. Sed mihi iterum multitudine dicendorum obruta viribus destituitur oratio. à Fastis itaque, & publicis rerum Polonarum tabulariis, quærenda sunt subsidia. referemus iterum scripta alibi: quæ pro dignitatis modo describere ipsi non possumus. Omnes enim Oratorum calami Gloriæ Vestræ allaborando detererentur, doctæsepiæ, atq; sudentes sub prælo paginæ deficerent, priusquam: *Præstantia merita, fortes ausus, nobilitatis facta*, id est SZEMBECHIANÆ Familiae decora, literis mandarentur. Grandium ista sunt contenta voluminum, ingentes libri, quibus Regni nostri acta comprehenduntur; & quibus Vos tot annorum labor, dignius quàm cedro, solidius quàm adamanti annotavit. Hæc legat, quisquis ad alienam lucem non cæcutit; hæc sciat, quisquis publicæ fidei credit. Non loquimur de SZEMBECHIS nova, non ignota loquimur aut incerta; non ea loqui-



loquimur, quæ confixisset placendi studium; vel quæ, quasi assen-  
tationis pericula, dubiis sensibus excipi possent. imò nihil nos  
loquimur; ut de Vobis loquatur omnia, cui contradici non po-  
test, vetustas; utq; hæc, quam Tibi PRINCEPS CELSISSIME  
dedicamus Panegyris, suis Authoribus sit antiquior. Fatemur  
id palam: non nostræ inventionis, quantumvis nostri affectûs  
esse, quidquid ex veterum monumentis desumptum, retulimus  
in paginam, & quidquid referemus deinceps. Manibus enim  
junctis, quasi fæderati pro Vestra Gloria Principes, consignave-  
runt Vobis immortalia elogia; Vobis, non ad osculum tantum  
Dextera Regum porrigebatur; sed quasi stipulatam manum de-  
derunt Reges: ut prope singuli Nomen Vestrum & merita æter-  
nitati inscripserent. ita salutabatis Sigismundum, ita novos Indi-  
genas salutaverat Sigismundus. recens enascentem Familiam,  
quasi è cunis suscepit Regalis Dextra, & levavit; ut *Pater ille Prin-*  
*cipum*, etiam Vestræ propaginis Pater videretur. Hæc erant in-  
cunabula primæ ætatis, complexu Principum recipi, retineri si-  
nu, foveri manibus & nunquam deponi. Parum aberat, ne ini-  
tia Generis Vestri, decrepitam quarundam Familiarum senectu-  
tem, excessissent; nisi maluissetis grandævô Procerum senio ho-  
norari; quam vetustissimis in Polonia Præfatis anteire. Potue-  
rat tamen reperiri aliquis, cui nemo Regum submisit Dextram,  
ut prolabenti fortunæ succurrisset; Vestræ autem virtuti plena  
manu favebant Principes, & post Sigismundum primum, multa  
detulit secundus, plura ex ordine attribuit Tertius. *Quampri-*  
*mo* (Rex ait quis non credat?) *Regni hujus jure censei ceperunt*  
*SZEMBECII*, nullam occasionem benemerendi de Republica, prætermiserunt;  
*fortissimiq; ausis devotum Reipublicæ animum cum gloria testantur. Quam*  
*Majorum suorum laudem, Hieronymus & Alexander jure hereditario ad se*  
*devolutam, eximia animi contentione amplexi, magno Majorum suorum splen-*  
*dori, fortibus contra hostes Regni edictis famulibus, deus adjecerunt. Ea in-*  
*super, virtutis & constantie, & firmitudinis, amore hujus Reipublicæ incensi*  
*præbuerunt facinora, quæ, nonnisi à fortissimis viris, & amantissimis Reipu-*  
*blicæ Civibus præstari poterant.* Accipiat orbis in compendio,  
quidquid elogiorum, sive de Vobis, sive de quopiam alio, cogi-  
tatum dici, dictum audiri, scribi atq; legi potuisset! talia de ma-  
nu Regis accipiat, per Dextram suam asseverantis. Hoc verò  
maximum caput est Gloriæ Vestræ: nam si imensos encomio-  
rum Vestrorum codices evolvamus; totidem illi capitibus con-

I

stant;



stant; quam multorum Regum elogia promeruistis. In isto  
certè, quod pro cæterorum summa adduximus, verba prope  
singula, ingentia capita sunt laudum Vestrarum, imo volumina  
sunt & grandes bibliothecæ; punctum quodlibet, Honoris Ve-  
stri punctum est; Rex ipse, Caput. Cui nos, absolutissimæ pa-  
negyri atq; omnium Coronidi panegyrum, quid ultra adicere-  
mus; nisi Vos, & Genus & Virtutem, ultra Regum elogia pro-  
tulissetis. Poteramus finiisse: postquam iis omnibus quæ dicta  
sunt hætenus, subscripserunt Reges, & supremam apposuerunt  
manum, & signatorem annulum pro meta defixerunt. Finiisse-  
mus jam, si facile posset concludi terminis infinitum; at vero  
magnitudo Gloriæ Vestræ fines excessit & modum: nam cùm in  
singula prope temporum momenta, factis facta, merita urgetis  
meritis; stare ibi, quasi jam confecto virtutum cursu non pote-  
stis; ubi Vos, quasi non processuros ultra, contendebat assequi  
laudatio. Sigismundus enim Rex, Hieronymum & Alexan-  
drum SZEMBECIOS nominatim commendaverat: in hoc Ge-  
minorum signo, cælum Vestrum amplexus, utrumq; hemisphæ-  
rium, id est Majores Posteris, Proavos conjunxit Nepotibus.  
Tales laudavit, quales eratis; laudavit etiam tales, quales futuri  
fuissetis. Quod si, duobus illis nominibus, præsaga Regis mens,  
totidem Vestrum Nomina, quotquot, exinde vixeratis aut vivi-  
tis, evocaverat ad lucem; jam Tuum PRINCEPS CELSISSIME  
Progenitorem, Illustrissimum Franciscum SZEMBEK Camene-  
censem Castellanum; jam Tui sanguinis Germanos: Illustrissi-  
mum Preclaus Voinicensen pariter Castellanum, Franciscum  
itidem, Regni Dapiferum atq; Biecensem Præfectum; jam Mi-  
chalem Suffraganeum ac Decanum Cracoviensem; jam Gem-  
mam illam Domus Vestræ, Tibi pretio proximam, Regibus ve-  
ro & Regnis æstimatissimam, Joannem Pro-Cancellarium; Te  
ipsum tandem CELSISSIME PRINCEPS Regniq; Primas, Te-  
cum, sed infra Te, Tuos omnes, Rex ille Divinus, secuturis æta-  
tibus consignavit. Poterat: vel in uno Alexandro, alterum Ge-  
neris Vestri orbem prænuntiasse; nisi Tu ipse, compendium  
grande Domus Tuæ, Tu summa Prosapiæ, altum Sanguinis, No-  
minum Nomen, Majores Tuos, non tam ad vitam (quia immor-  
talis est Natalium Vestrorum Gloria) revocasses Stanislae; quàm  
potius, in Te unum, totius Gentis merita, famam, decora, Vir-  
tutes,



tures, veluti in succum & animam collegisses. Itaque, cum  
Majorum Tuorum elogia legeremus hactenus; Te semper, quasi  
Caput respiciebamus, ad Te quasi ad fastigium, eluctabamur; &  
in Te, quasi in pelagum fluminibus magnis inferebamur. Quam-  
vis autem, ea, quæ Tecum aliis, sive meritorum sive sanguinis  
necessitudo intercessit, neminem ita Tibi necessarium facit: ut  
quasi egestati gloriæ per corrasas hinc inde suppetias succurra-  
tur; non poteramus attamen non meminisse illorum, quos, sal-  
tem ad vitam necessarios habuisses; id est quocumq; de Tuis ita  
vixissent laudabiliter; ut Tuas etiam animare laudes debuissent.  
Tam pulchro astu subire aures oculosq; Tuos proposueramus;  
ne, invisi modestiæ Tuæ rejiceremur, si præter Te laudaremus  
neminem; itaq; quasi leni usu & assuetudine, Tibi jam illabimur;  
nec quod erraverimus diu, ignosci nobis aliud volumus præter  
culpam. debetur id Principum Majestati; ut non ad primos  
congressus pateat: debebatur & Tuæ CELSITUDINI; ut illam  
non e vestigio consequeremur. Sed nec per longum errorem  
actum est quidquam; nec à Te minimùm digressi sumus; ubiq;  
enim Te veluti stantem in procinctu metam tenebat, quacumque  
excurrisset oratio. Cùm verò sanguis ille Heroum Vestrorum,  
Tuus inquam, ille sanguis, toties se; perq; tot terras, asserendæ  
Regnorum Regumq; integritati prodegisset; nonne æquum fue-  
rat: ut pro asserendâ Domûs Vestræ sed Tua potissimum Glo-  
ria, idem sanguis funderetur in paginam, scriberetq; Prosapia  
suâ, & subscriberet. Hunc ergo & talem, qualem Regales pur-  
puræ elogiis depinxerunt, scripsimus hactenus; neq; tamen ex-  
hausimus omnem; quia magnum mare brevibus foliis immitte-  
batur. Itaq; postquam Majorum Tuorum paucissimos ad faci-  
em & frontem Familiæ de vetustioribus monumentis protuleri-  
mus; linquimus suæ antiquitati innumeros; jam enim quasi re-  
natum vetustissimi sôlis senium, quasi recentes annosi luminis  
radios, & quasi dies antiquarû ætatum præstantissimos salutaturi  
sumus. Hic verò est nostrorum temporum, supra tot retro sæ-  
cula, triumphus: non illos tantùm, quorum magnitudinem cre-  
dimus, indubitata fide referre; sed quorum merita perspeximus  
ipsi, quorum virtutes quasi de facie novimus; ad veritatis evi-  
dentiam demonstrare. Igitur non Hieronymus tantum & Ale-  
xandret, *Majorum suorum laudum, jure hæreditario ad se devolutam, eximia*



*animi contentione amplexi, magno eorundem splendori decus adjecerunt. ad-*  
cistis singuli; Tu PRINCEPS CELSISSIME decora adiecisti plu-  
ra, quam omnes & singuli. Non descivisti à præscriptis Re-  
gum elogiis, à Sigismundi Tertii manu, pariterq; ab antiquissimo  
Generis Vestri genio, ne latum unguem discessistis; ut proinde,  
quidquid in reliquo dicendum restat; præconia sint, præmia sint  
& coronariæ Gratiæ, quas Tuæ Tuorumq; Virtuti, summi Re-  
ges attribuerint, summa orbis Capita adjudicaverint. Aliud  
mihi ex alio, ut jam non sparsim nec confuso agmine laudes Ve-  
stras prosequor, occurrit. Sed cum nihil magis domesticum  
habeatis, quam Virtutes; in illum imprimis, qui Tibi Antistes  
Religiosissime, pro maximo Sanguine est, erga Superos ardorem  
ex destinato incidimus. Equidem, teste Germaniâ, Bohemiâ,  
Polonia, magnificè ostentatis vexilla, phaleras, trophæa, Imagi-  
nes, Stemmata; sed prima est inter Insignia veluti gentilitia pro-  
bitas. Maternum certè Genus cui Tu PRINCEPS CELSISSI-  
ME exortus debes illustrissimos, totam fere nobilissimarum Fa-  
miliarum Poloniam, SZEMBECIANO Nomini invexit. Odrow-  
asii enim lectissimus Regni nostri sanguis, flos ipse Poloni san-  
guinis ODROWASII, Rosis Vestris suas purpuras, suas trabeas,  
suos adjunxerunt honores; & non poteratis decentius propaga-  
ri. Sed, qui utramq; Prosapiam arctissime colligaverat, virtu-  
tum fuit nexus. Odrowasii enim, sanctorum Genus sunt, Cæ-  
loq; affinis origo. exinde jam Domus Vestra virtutum nidus est,  
propago Vestra pietatis propagatio & propago. tantum id, ut  
nec sanguinem Vestrum ametis; nisi plus innocentia ex atavis  
derivatum sit; nec eam, quam Majores præclare agendo pepere-  
runt Nobilitatem, in censu gloriæ reponitis; nisi omnes nasce-  
ndi lege optimi fueritis; quia tandem nec fortunam æstimatis,  
nec honores admittitis, nec vitam vultis: nisi probitatis cultura  
deserviant; in Domo Vestra, quasi sola & maxima est hæreditas  
Sanctitatis. Hoc de sanguine, Divina progenies Hyacinthus,  
ad superos usq; crevit; Flores autem Vestros, postquam Hyacin-  
tho cumulasset fortuna, & pietas consecrasset: traxistis in terras  
Divos, Domuiq; Vestræ, paradysum sanctorum, & Cælestem  
Patriam implantastis. Unde Tu PRINCEPS CELSISSIME san-  
ctitatis vigorem & succum, à prima ætate imbibisti; unde Do-  
mesticis nutriebaris exemplis: ut in Antistitem Sanctissimis pro-



pinquum excrevisse. Nemo scilicet Odrowasianorum vivit  
cujus vita in grande pietatis exemplar non superfit. Superest  
ex antiquis Proceribus tantum non antiquissimus, ex Senatu Se-  
natûs Pater, Illustrissimus Avunculus Tuus Siradiensis Palatinus.  
In hujus unius Purpurâ, inviolabilis Serenissimi Joannis Tertii  
Poloniarum Regis Majestas effulget hactenus; ille refert immor-  
tali memoriâ dignum Principem; ille revocat antiquiorem Po-  
lonæ Gentis Gloriam; felicitatem reducit: vetustum probitatis  
morem servat; priscam fidem, nunquam degenerem justitiæ cul-  
tum resuscitat, & semper æquanimos in publicum bonum sensus.  
Quantam Tibi CELSISSIME PRINCEPS consiliorum mentem,  
& quam genuinos Virtutum spiritus, unus hic ex Materno Ge-  
nere Hector inspiravit; dum Senatoris vetustissimi longo fru-  
dendi usu exercitam, fortunatis successibus suetam ætatem, pro  
perfectissima idea respexisses, atq; in animum transsumpsisses.  
Transsumpseras Tu: transsumpsit & Illustrissimus Regni Pro-  
Cancellarius: nec poterit non perennare in Vobis Odrowasio-  
rum erga cælites pietas, erga optimos Reges fides, amor erga  
Rempublicam immortalis. Inter omnia, quæ ab utrisq; nata-  
libus derivastis, decora, ingenitus pro Orthodoxa Religione ar-  
dor, sanguinem Vestrum accendit maximè. Nam Illustrissimus  
Siradiæ Palatinus, ut flagitia profligaverat supremus tot Tribuna-  
nalia arbiter; ut Comitia Regni opposuerat impietati; ut san-  
cta & erudita prælia indixit erroribus; ita validissimam manum  
expedivit contra Hæreses; cum Skargam nostrum novâ post  
mortem loqui fecisset linguâ; id est Periclem illum Polonum,  
iterum tonare, iterum adversus mendacia fulminare. Vestri  
ergo Avunculi nunquam frigido in fidei causa senio, novos tri-  
umphos debet Romanum Latium: quod Oratore Skarga, quasi  
iterum iterumq; nefarias fallariorû lites condemnasset. SZEM-  
BECIANA autem Familia, à Caroli Magni Imperiis Nobilissi-  
mum Sanguinem religione consecraverat; quem susceptis toti-  
es bellis: Divino Romanorumq; Pontificum honori litavit spon-  
te. Et quæ illa, obsecro, propitii Numinis beneficentia: quod  
Prosapiæ Vestræ invictam fortitudinem, tunc Regno nostro in-  
tulit: cum pestifera corruptissimorum dogmatum lues, post-  
quam vicinas afflavisset Provincias, Poloniæ fines invadere, atq;  
Sigismundi Primi animum subire attentaverit. Repressi enim



sunt, effusæ in populorum perniciem stygis, insultus; ad tartarâ  
sua relegatæ sunt, quotquot in exitia pietatis conspiraverant  
mortes; fecerat hoc, cælo & immortalitate digna Sigismundi  
Regis Virtus; sed vos, dum talia Reges facerent, non defuistis.  
Gentem ergo hanc, quasi cælestes suppetias, Poloniæ immissam  
credimus: ut quidquid pietati adversaretur, vos profligaretis.  
Vixisses tunc utinam Antistes vigilantissime: cum toties rejectæ,  
& toties orco remissæ hæresû fraudes, illæ inquâ, tam multipli-  
ces & suis exitiis repullulantes hydræ, monstra illa infernalìa, ca-  
pita illa dolis omnibus fraudulentiora, sese Regum gratiis, Pro-  
cerumq; favoribus insinuarent; cum toxicó omni perniciosius  
viscera Poloniæ pervaderent! vixisses enim tunc, qualis nunc vi-  
vis, cor Regni nulli veneno penetrabile; vixisses mens erroribus  
impervia; Caput Senatûs vixisses, fraudibus inaccessum. At, si  
quando pietas, quòd Tu necdum viveres, tantum non exspirave-  
rat; animare cæpisti fatales Religionis ruinas, vix ipse natus, aut  
proximè nasciturus. Nam Parens Vester Illustrissimus; quasi  
quodam omine templa erigebat. unde tot Sanctissimorum My-  
starum futurus Progenitor nosceretur; vel si jam genuisset: Ve-  
strum fatum erat, Vestriq; causa: ut aras exstrueret quam pluri-  
mas, quibus, tot Mystas, totq; victimas educasset. Geminæ  
certè illæ, quas cælitibus devovit ædes, veriora Delphicis oracu-  
la ediderunt: unde piissimus Parens, & Vestræ pietatis idea, suas  
de Vobis spes confoveret; unde, eximia in munificentia præ-  
mium solatia præconciperet; utq; maximè domestica, & prope  
consanguinea Vobis esset Religio: cui, & Templo, & Antistites,  
ab eodem Parente proficiscerentur. Itaque, cum Thaumatur-  
gæ DEI Matri statuerentur altaria: Te, Præsulum miraculum,  
Te, ad prodigium virtutis Præsulem, accepimus vicissim à Supe-  
ris. cum verò Divum Polonorum Principem, positis aris, quasi  
soliò, extulisset Domus Vestra; supparem ille honori suo grati-  
am in Te rependit: quòd primus hodie Regni Poloniæ Princeps,  
Dignitate Regibus proxima, adoreris. Sed vix Tuum reputas,  
quidquid non Tu ipse pro Te mereris! Magno ergo Progenitori  
pietatem refers & pietatis exempla; Tibi autem, quantum debet  
religiosissima pietas! quòd tot templa, alibi à fundamentis, alibi  
à ruinis erexeris; quodve templis aras, aris nitorem & sacra re-  
stitueris. ut, si injurias, quas sive vetustatis squalor, sive ignava

locor



20  
focordia, five sacrilegus furor intulit altaribus, avertisse non poterat; ita refarcires damna: qualiter utiliùs propè videatur, fuisse aliquando illata. Perge Antistes gloriosissime, trophæa Religioni erigere, accumulare triumphos, in Florem deniq; Tuum omnia instaurare. A Te enim ultimam cladem exspectat malefida impietas; Tuum nomen quasi fatale sibi, & quasi vindex scelerum fulmen, & odit, & persequitur, & timet tamen ac reveretur. Audivimus id sæpe: cùm non indecorò vocabulo dissidentium malleus appellareris; sensit vero non pridem chalybe omni durior protervia, quantum edomando pertinaces illos, quantum obstinatum contumaciam frangendo, valueris; cum viribus totis, refractaria sacrae Potestati Capita, Vladislaviensis tunc Episcopus, inflectere voluisses. Inflexisti: etiam in profundam Tui venerationem, in authoritatis recognitionem, tantum non in omnes natus. Nequè enim fastu aggrediebaris fastum, sed victrice animorum modestia, sed laudata hostibus probitate, sed affabilitatis illiciò, triumphabas ferream, triumphabas & auream duritiem! quæ tamen invictum mentis Tuæ robur, nullo pondere inflectere, nulla vi poterat sibi inclinasse; quia Tu Antistes constantissime, malleus fueras, cui æs omne, & quodvis metallum cederet, & quem, nec adulatio mollis, nec dura avaritia emolliret. Dicimus hæc de Te quæ ante nos, vocalior fama, in omnium aures promulgaverat; ære enim Campano, sacrorum nostrorum publicum, indici jusseras Gedani: ne, quasi convicta & depressa Religio, silentibus umbris damnetur. Jusseras id: & jam pertinax æris tinnitus, jam nolens illa nota, frustra obstrepente hæresi, in veritatis præconia cogitur, crebris verberibus quoties castigatur metallum contumax, toties errantem illam Urbem Romanis triumphis revocat; toties erepta nobis templa inclamat & conqueritur; toties, Tuum Antistes Zelosissime nomen, latè per auras circumsonat; ut vel uno hoc facto, magnus Orthodoxæ Religionis Propagator audiaris. Id quidem exiguum ad famam videtur: sed Tu, quasi magnorū Apostolorum imitator, & ipse Apostolus, nec leve, nec facile putabas: surdos populos tintinnabuli pulsu, ad saniolem doctrinam excitare; imò arduum fuerat: inter clamorosos sinistrè loquentium tumultus, concionem advocare, attentionem parare fidei, atq; auditum. Quod si Te non aliò evocasset, summis



honoribus par Dignitas Tua; ita feliciter efficaci ardore, populis illis persuasisses: ut tota jam forsitan, & tanta errantium multitudo, Tibi obedivisset hactenus, pronam veritati aurem præbisset, Tuisque præconiis jam forsitan credidisset. Poteras hoc olim, nunc plura potes: idest bonos efficere omnes, cum sis ipse optimus. Nec enim aliunde, sive impulsus, sive vires, ad præclare agendum desumis; quam à virtute. eò semper propendes; quò pietas inclinat animum. id tantum averfatis, quod religioni adversatur. non consiliis, non suasionibus, nec minis nec pollicitis duci Te sinis & attrahi; nam sanctitatis amor, dictaturam gerit, penes quem, totum omnia statuendi jus, & omnia tibi imperandi. Superum fidem! quarum ille, quantarumque virtutum in animo Tuo author fuerit! quales Tu & quantas, ad omnem pietatis nutum, exercuisti! Non ego Te, gravissimum Insulorum Patrum Patrem primæ Tuæ reducerè ætati: nisi maturissima absoluti moris canities, ipsum illum juventæ florem aliorum senio vel coæquasset vel antetulisset. Neque tamen sat is maturum est, crabeatæ pueritiæ abblandiri stylo; neque nostrum putavimus: Tuarum scientiarum laudibus orationem acuere & ingenium; maxima enim Tuæ eruditionis gloria, Universitati Cracoviensi debetur; quam studiis Tuis exornasti, & quæ, suos, in tanto Capite, postquam excoluisset, colit amplissime honores. Jam Te in Aula Serenissimi Poloniarum Regis Michaëlis, quasi Cælestem Ephebum loqueretur penna; jam Angelum innocentissimum, vitamque prædicaret Angelicam: si non mallems testem virtutis Tuæ Romam potius appellare. Huic Tu, annorum initia, gloriosius, quam suæ novennis Annibal Carthagini, Sacramento devovisti; huic vitam consecrasti totam. Hinc nihil Tibi antiquius est: quam vitia persequi, quam conjuratos in Romanum Caput hostes, debellare. A teneris enim, ex illo Sanctitatis fonte fluxisti flagitiorum odia; ex illa virtutum omnium Parente, religiosissimos spiritus desumpsisti. Ipsa ergo probitatis omnimodæ norma, formavit & excoluit primam ætatem. Agebas interim in illo orbis theatro, quasi grandè virtutis exemplar; florebas annis, florebant ROSÆ Tuæ nativis innocentiae coloribus. has, cum Romani, non tam in Ceris Tuis, quam in vultu & moribus legerent; jam poteras tunc, communi sensu & voto supremis Insulis destinari. Poterat aliquis Flores Circumdatos respexisse;



ut tempestivum illud omen, quasi de Te dictum acciperetur.  
Quantum verò ad sanctimoniae soliditatem profuit Roma fuisse  
usum Magistrâ; demonstraveras id Palam; cum ex Urbe redux,  
Tecum non curiosa oculorum irritamenta, non conquilitæ eru-  
ditionis fastum apportasti; sed sanctitatem Romæ, quam inco-  
luisti; sed Pontificis Romani sanctitatem ad cuius Te normam  
componebas, invexisti Patriæ. & quocunq; pervenisses; animò,  
vultu, moribus, sanctam circumferebas Urbem, id est virtutum  
orbem circumferebas. Et quæ paginæ sufficerent, universum  
hoc complecti, quod Tu intra pectoris sacrarium collegisti,  
Mundum parvâ tabulâ describimus; difficilius autem est virtu-  
tis Tuæ monumenta in compendium redigere. Itaq; tot tem-  
pla, tot aras, tot vivas Cælitum imagines, tot cultus, tot exem-  
plaria probitatis, totam deniquè Romanæ sanctitatis molem,  
quam mente & animo comprehendisti, & quam factis reddis  
pulcherrimis, admiratione magis & veneratione prosequimur.  
Ipsa Te Roma Apotheosi donet, quæ Sanctos reddit, & quæ ex  
Sanctis facit Sanctissimos. Nam quamvis insuper, magnos illos  
pietatis Tuæ Montes, quibus egenorum inopiam, quasi apertis  
aurifodinis sublevas, attolleremus; plura, liberalissime Antistes  
in miserorum subsidia erogas: quam miseri rogare audeant, &  
quam nos possimus recensere. Non damnas enim antris gazas,  
non carcere longo (Tuarum hæc opum innocentia est) corrup-  
pis aurum, beneficiis tantum latebras quæris: & verecundiam  
egentium, pulchrò duello committis verecundiæ largientis. Vi-  
dimus tamen vidimus illustres umbras; Tuarum symbola vidi-  
dimus gratiarum. Qualiter plenæ cælestis succi ROSÆ, deci-  
dum astris rorem, superum nectar, sudoresq; suos propinant in  
mella. tunc volucres illæ virgineæ, advolare ROSIS, tunc ali-  
menta sugere dulcia, sugere pudicitiam ex floribus, tunc inno-  
centiam nutrire; ita, Antistes Munificentissime integritati virtu-  
tis alienæ consulis expensâ fortunâ; ita exitiosam pudori fa-  
mem, beneficiorum influxu avertis; nunquam tamen desides fu-  
cos alis, nunquam succurris ignaviæ; nam Tuæ id liberalitatis  
ingenium est: quod mendica illa otia, operæ pretio ditare velis;  
quod Divino more auxilium manumq; porrigas cooperantibus,  
simul ergo inopiam, simul enutrita fame ignavorum flagitia, pro-  
figasti. Hic verò, ut jam tacere voluissemus, ultro incurrunt;



Tuarum etiam virtutum nutrimenta. illas enim frequenti inedia recreas ; cum cæteros lautissime pascis. Tibi, frugales inter convivium mensæ, inter Regias dapes, cibi modici, inter sanctos erga pauperes luxus, rigidissima jejunia. Quasi spiritu constares rotus : sic menti tantum vivis & animo : sic Te lectione sacra pro epulis omnibus exsatias ; tanquam non victurus, nisi sanctitatis cupidis reficereris. Inde tantæ vires resistendi malis : inde robur infractum, maxime ardua efficiendi sustinendique, Religionis & publicæ rei causâ. Sub tanta fatorum mole, qui non procubuerunt Atlantes ? Tu robustissimus Alcides, pro labenti Regno sufficeris & ipse sufficis. Quanquam, & nullus ex SZEMBECHIS vivat ; qui totam pietati bonoque publico vitam non impenderit. Litastis toties sanguinem vestrum Polonæ saluti bellicosissimi Heroës lapidem movistis omnem, etiamque saxa movistis sepulchralia Hieronymi, ut marmore firmior staret Patria ; ut lapide gravius prorueret hostis. Alexandris Vestris primus ille non animosior ; nec quispiam alter, secundus. Poterant viri fortissimi occubuisse, hostibus cedere non poterant ! mortibus illorum Respublica stetit : dum ad Smolenscii mœnia, quasi tumulo propior inter hostilia cadavera laboraret. Collegit triumphos sanguinis Vestri Sigismundus Tertius Poloniarum Rex & Imperator ; collegit natas de sanguine laureas ; Polonia verò non erubescendos Marti suo viros collegit : quorum omnium pectoribus Regia manu inscribi aut triumphali ense incidi debuerit testimonium : *quod amore hujus Reipublicæ incensi, ea, virtutis, constantiæ, & fortitudinis præbuerint facinora : quæ, nonnisi à fortissimis viris & amantiſſimis Reipublicæ Civibus præstari poterant.* Idem aliis Vestrum inscripserat Vladislaus Quartus. Parenti Tuo Illustrissimo, & Præclao Woynicensi Castellano inscripserat Joannes III. sibi hoc elogium inscripsit, & ferrò suo incidit Illustrissimus Franciscus SZEMBEK Wislicensis Castellanus. bellò enim ætatem trivit, chalybem detrivit cædibus, usque nunc strenuissimus hastatæ Cohortis Præfectus. & sive Sandomiriensi Palatinatui præiverit aliquando Marschalcus ; sive copias deduxerit Heroibus refertissimas ; semper ille Scipio est : cujus militia non aliud insigne scutò præferat, quàm gentilitias Rosas ; ut olim, devicta Carthagine, scuta sua coronaverat Rosis & Scipio. At Tibi Illustrissime Regni Dapifer, atque Biensis Capitaneus, quis tam injurius, Virorum fortissi-

morum



morum & amantissimorum Reipublicæ Civium encomia invid-  
deat? Regna enim omnia incoluisti, æstimator omnium, &  
omnibus Regnis æstimatus; amore tamen Patriæ nihil duxisti  
æstimabilius. cujus vicissim amorem mereris optimè: dum Regi  
tam ipso places, quàm Regnum placere facis; quòd Augusto Re-  
gi ad gustum omnia præbeas Regni Dapifer: Quid plures, quid  
singulos vestrum referre contendamus? si Te unum habeat nec  
comprehendere possit oratorum facultas; Te inquam unum, qui  
primas omnium vices obtinuisti, qui Domus Tuæ compendium  
es, Illustrissime Pro-Cancellariè! Tibi enim Polonia Regem, Ti-  
bi Rex gratias debet omnes, in cujus gratiam facis omnia, & ipse  
Joannes, Gratia Regum sis, Tenes gemmam Regni, pretia servas,  
æstimationem Polonæ Genti concilias: cum Te exteri Principes,  
quasi gemmam Aulæ, quasi consilij Caput, quasi fidelitatis mira-  
culum, & sciant & æstiment. Augusti Regis Cor, illud clemen-  
tiæ Augustale, quàm meritò intima admittance occupasti; quàm  
gemma omni pulchrius, exornas pectoris Regiam! ubi enim Jo-  
annem Pro-Cancellarium collocarem? aut cui melius Regii  
Cordis custodia committeretur. Posset hodie Serenissimus Au-  
gustus, pro aureo vellere Capricornos Vestros circumferre, Au-  
gusti Romanorum Imperatoris more: qui cæleste hoc signum,  
quod sibi natale sidus fuisset, circumferebat. Sed Tu, cultu  
omni pretiosior, magis Regem deces quàm aurum! ex Te enim  
nosceatur ille, atq; innotescit clarius, quàm ex purpura! Tu quo-  
vis Insigni nobilior; facis id præstantius: ut ipsa Regis purpura,  
thronus & diadema, Rexq; ipsemet agnoscat, Non aliter hoc:  
nisi, quòd Regum honori impensa obsequia, Regnorum servire  
integritati, pridem apud Te judicaveris. Sensimus jam: magno-  
rum siderum deliquia, gravi terrarum fatò contigisse! Nihil er-  
go solitudinem vestram fatigat magis: quàm labefactatum  
Reipublicæ Corpus, Capiti suo conjungere, atq; sic in integrum  
restituere. Expectamus prodigium SZEMBECIANÆ Virtutis:  
expectamus à Stanislao nostro & Tuo, expectamus a Signato-  
riis Aquilis Tuis, quæ nunquam soli palpebram averterunt; imò  
spectamus jam: divisam tot partibus Poloniam, in arctissimos  
redire nexus; cum animi Vestri ita sibi invicem, ita cohærent &  
Regi. Nam PRINCEPS CELSISSIMUS, sua imprimis, quæ cælo  
gratus est pietate, cogit nostrates Divos, Superos omnes cogit



in subsidia miseræ Gentis! agit Stanislaum, agit Poloniæ Patro-  
num, & periclitantem populorum causam, agit apud Deum fe-  
licissime! nec tantam credo, siue consiliis, siue armis, inesse vim  
ad reprimendos fatorum insultus; quanta virtute expugnat Cæ-  
lum, proffigat hostes, & semimortuum Regnum animat Stani-  
slaus! quasi placari jam nobis volentes Superi, proximos favo-  
rum Soles, nominis hujus Phosphorò significassent: ut cum hoc  
Regni Primate, Cælitum gratiæ exoriantur, dies redeant fortu-  
nati. At vero Joannes Pro-Cancellarius, pretiosos gemmarum  
suarum sudores, & sudatas Capitis gemmas, ut nunquam alienis  
damnis projecerat; ita liberalissime publicis impendet Bonis; illi  
enim arbitrium fortunæ suæ contulerat Respublica, cum mode-  
ratorem Comitiorum voluisset olim; & poterat hoc Scipione,  
ne laberetur fulciri. Illum autem nunc, quasi tutelare liberta-  
ris Numen, quasi spem magnam respicit; quia persuasum tenet:  
vim nullam contra nos habitura mala: eò, quòd fidissimus Re-  
gno Pro-Cancelarius, idemq; amantissimus Reipublicæ Civis,  
illa tantum approbaturus sit & obfirmaturus; quorum valorem,  
Regum Majestati, communiq; tranquillitati profuturum cen-  
suerit.

Et hæc est gemma illa, quæ Fratrum Tuorum PRINCEPS  
CELSISSIME, Coronam, & quæ Tuas etiam Infulas attollit de-  
centissime. Cracoviensis enim Suffraganeus Illustrissimus Mi-  
chaël SZEMBEK, Tua vestigia premit: ut Sanctos honores imi-  
tationi cæterorum reliquisti. Te per virtutum exempla sequi-  
tur; nec tam Infulis olim Tuis, quàm pietati successit. Illò or-  
bitatem suam solatur Regni Metropolis, postquam Tu, (nam  
semper de Tuo Capite litigabant Tiaræ) jam Vladislaviensi, jam  
Metropolitanæ Cathedræ concessisti. Illum itaque, aut Te po-  
tius cum illo, tritissima Vobis Honorum Vestrorum viâ prose-  
quimur; nec longè jam à termino sumus. Tuorum enim PRIN-  
CEPS CELSISSIME votorum, curarumq; Tuarum scopus est:  
Poloniæ felicitas. Religionis in Polonia integritas. Regum in-  
taminata Majestas; Romanorum tandem Pontificum reveren-  
tissima fides. Nos pariter, huic quod à Te cæpit, & in te desinit  
studio, Tui Nominis gloriam pro meta præfiximus, sed non aliò  
propositò: nisi ut honores Tuos omnes, Clementi immo Ponti-  
ficum Maximo detulissemus; id est: ut Circumdatos Flores, in  
Genti



Gentilitiis ROSIS Vestris; in Archi-Præsuleis verò Infulis Tuis, tam eximia merita Tua, quàm coronariam gratiam adornassemus. Et Tibi quidem Antistes maximè, ab eo quo Romam incoluisti tempore, singularis consuetudo cum Summis Pontificibus intercessit. Illorum continuus fueras, etiam cùm extra Urbem, semper tamen quasi intimè præsens degebas. Sanctitas illa beatissima, favebat, & supra cæteros afficiebatur virtutibus Tuis virebas enim in Polonia, tanquàm Religionis cardo; cùm verò, sanctis, pro fidei Romaniq; honoris cultu, accendereris ardoribus; Cardinalis dici merebaris. Expendebas enim, avitum Romanarum sanguinem in ornamenta pietatis; simulq; in Muricem sacrum elevabas. Prodromæ interim Tiaræ præibant Galero; donec CELSISSIMUS PRINCEPS in fastigio constitisses: unde Soli vicinior, in altiore rubescas Purpuram; unde maturas Purpuris ROSAS, Aris inferas Eminentissimis. Non ludentis hac styli, non blandæ assentationis præludia sunt, nec vana inanum votorum vaticinia; parum enim absuit, ne id expeditum jam, in datis ab Innocentio 12mo, atq; Clemente 11mo literis, relegisses. Legisti forsitan Pontificis manum, si non conferentem; exporrectam tamen, ut nunc polliceretur; quod brevi esset collatura. Magnum est, & prope eminentissimum; familiari communicatione quasi in intimum illud Purpuratorum Patrum conclave, advocari; advocabaris! Mentiq; Pontificum Divinæ, Arcanorum conscius immittebaris. Non Tibi autem parabantur Fasces conquisitis aliunde commendationibus; eximiis Te Virtutibus commendabas ipse, alienæ non indigus laudis; nisi quòd Te laudaret Roma, quòd Te, Tibimet ipsi commendabat: ut oblatos honores, Tuæ, dum Pontifices affirmarent Dignitati credendo admisisses. Clemens igitur 11mus talem Tibi Tiaræ primo obtulerat, qualis, in Eminentissimum abituro debebatur; alta nimirum initia sunt: quibus nihil superaddi poterat: nisi Celsissimum. Susceperat Cathedra illa Vladislaviensis Episcopum: cui vires, muneri pares, & qui pro potestate agebat contra vitia, ipsum Cathedræ nomen, omen fuerat prope Regiæ Potestatis, ad quam per sublimem ascensum, & qui cæteris, in culmen honoris suffecerat, devenisti; ut verò Archi-Episcopo succedis, ita succedes Cardinali. Nam Pontifex Maximus Divinos monitus accepisse videtur ab oraculo: ut Tibi Infulas pri-



mas contulisset, utq; conferat Eminentissimas. Sux appellatio-  
nis vim, sui auspicia officii crediderat circumdare Flores aliquos  
vittis, & coronare. ROSAS itaq; Tuas aspexit lætus. persensit  
fragrantissimas pietate Rosas, virtutum Florem; & jam pulchro  
eventu comprobantur vaticinia vatum, qui Beatissimo Patri,  
Vaticanos honores, quasi hoc sancitò prædixissent. Ergo Gra-  
tia, Infulis coronavit ROSAS; quibus, Serenissimi Augusti tem-  
pora, id est; fecundissimi honorum & purpurarum Soles, ad Di-  
gnitatis maturitatem addiderunt. tantus verò est Regionum pro  
Te votorum in Augusto fervor: ut Sol ille Serenissimus, qui Ca-  
piti Tuo radiis effulget omnibus, sacro attemperari debeat Gale-  
rò. Sed meritis Tuis, sed Te ipso, Flos Antistitum vernantissime,  
maturius nihil ad Archi-Præsuleam Tiaram poteras contulisse.  
Pontificis igitur Clementissimi Gratiam, prona adoratione coli-  
mus: quod Flores Nobilitatis virtutisq; vestræ coronando, Cle-  
menti nomen fecerit, floridissimum; & quòd cum Tuis honori-  
bus, universum nobis contulerit Gratiarum. Solemne Roma-  
nis Pontificibus est: aureis Rosis, quas sanctitas sua inauraverit  
pretiosius, ditare Regum Gazas, ditare & Regna, fueratne Mu-  
nus, Romæ, Rege, & Regno dignius: quod Clemens liberalissi-  
mus obtulisset Polonia? fueruntne pretiosiores Rosæ, quas in Re-  
gium munus consecrasset? Regi imprimis, inter tot opes, inter  
tot opum miracula, opibus omnibus æstimabilior es Antistes  
pretiosissime. Colit ille sacros Honores Tuos, ut Romam; Te  
colit, ut Summum colit Pontificem; Te, quasi Deorum munus,  
quasi refertissimum cælestibus gratiis thesaurum, quasi religio-  
sum gestamen, & quasi de cælo submissum Ancile, ostentat.  
Quamvis verò, Tui Honoris Potestas, tantam apud Reges me-  
reatur reverentiam: ut timeri etiam possit; Tu PRINCEPS Re-  
gni; Primas, amari mavis à Regibus. quibus Tua pietas, pro le-  
ge inviolabili est; quibus, exempla præbendo virtutum, jura das  
probitatis; ut jam nec monere nec minari necesse sit; quia sanctè  
vivendo, hortaris ad honestissima, & optimo Principi persuades  
meliora. Tua innocentia mores componit Regum, modestia  
moderatur animos; & si quando è Purpuris, flagitia, quasi da-  
mnoxæ tinxæ, nasci possent, Præsulum sanctitas, gravissima cen-  
sura est, quæ vitia magna placidissimè castigat; quæ & ipsos Re-  
ges possit reducere ad officium. Toti pariter Regno commo-  
dare



dare melius ille Regnorum Regumq; Parens nequierat; quando-  
quidem, Poloniam, Religione, famâ, & publica felicitate, flore-  
re maximè, aut reflorescere potius voluisset. Quid Ternio RO-  
SARUM Tuarum, nisi Munificentissimi Pontificis Dona: qui-  
bus ternum Reipublicæ ordinem liberalissimè præmiatus, quasi  
Trirellum suum, Regi, Proceribus, Nobilitatiq; Polonæ submi-  
sit. fortunata simul obtulit omina: Polonos omnes sub SZEM-  
BECII Principis auspiciis, brevi coalituros in unum. Agis id  
PRINCEPS CELSISSIME ubique, agis maximè apud Superos,  
& efficis prope. Nam postquam Te, Clementis iuni gratia,  
Archi-Præsuleis inaugurasset Infulis; non cessas unquam flectere  
cælum in gratias: quas ardentissimis votis & ipse exoras, & po-  
pulos supplices sternis; tantumq; fiducia est, Tibi in Cælites,  
nobis in Tuam Sanctitatem; ut simul effundi preces jubeas, si-  
mul optatissimam placati Numinis Indulgentiam publicari.  
Ex aureis itaq; ROSIS Tuis, aurea sæcula renascentur aureæ Po-  
lonorum libertati; nec gemet illa sub tributis; quæ sui Antistitis  
pretiosa auctoritate, jam se redimit ab injuriis. Tu enim Præ-  
sul optime, ut Gnesnæ Tuæ, ita Poloniæ toti, primævum felicis-  
simæ pietatis, & sanctæ fortunæ reddis florem, reducis Adalber-  
ti tempora, ipsumq; animas Adalbertum. Hic cineres sanctos,  
in plausum commovere; hic quasi e tumulo resurgere Sanctissi-  
mus ille Antistes; hic Caput attollere tantum non præmortua  
Polonorum Religio; jam Adalberti ROSA arridere Tuis, jam  
Gnesnensia Sacri Senatûs Lilia, Vestris inclinari Floribus; jam  
fatale illud superstitioni Swięte, religiosis stuctibus triumphare;  
jam tandem Gnesna, jam totum Regnum post tristissimos squal-  
lores, in amantissima Tempe, in gratiarum apricum, in Sanctum  
Adalberti ver efflorescere. Flores enim Tui, vivum colorem de  
Sanguine Divi Martyris traxisse videntur: consanguineos dice-  
res SŁAWNICIOS Szembecis: ita purpuram, sanguinem,  
mentem, & animum, Sanctissimorum retines Antistitem! inde  
non probrum putas: quod extra limites Patriæ, aliquando (quia  
virosum constantiam, pulchra fuga & decet & probat) inno-  
centissimè profugiendo; Adalbertum, toties suâ Cathedrâ, suâ  
Pragâ, suô Bohemiæ Regnô excedentem, gloriosa imitatione  
secutus fuisses. Ecce jam, Nobilissimus fatorum triumphator  
Gnesnam Tuam repetis, ubi per longissimam ætatem, mortuo



quidem, sed dum in Te vivit, convive Adalberto. id est: Tam-  
diu Te nobis Superi non invident: donec optimos quosq; &  
Sanctissimos Præsules vitâ Tuâ animaveris. Nec tantum ti-  
bi annuat Cælum: quantum Tu immolari cælo exoptas. nam  
Tuo Martyri, cujus Tiaram geris, lauream invides; & sangui-  
nem pro salute publica litare, sancta perurit animum æmulatio.  
Satis hucusq; sanguinis Tui impensum est Patriæ; impende inte-  
rim, ut Regni commodo impendis, emeritos sudores. Alia Te  
purpura manet; qua poteris Gnesnenses Mirras illustrare. Ha-  
bes tot honoris Tui victimas, quæ pro Te, id est pro totius Polo-  
niæ fortuna Aris procidunt.

Inter has, devotissima Nomini Tuo Societas JESU, Cle-  
mentis summi Throno advolvitur: ejus Gratia, quam Tuo Capiti  
superaddidit, gratias maximas relatura. Nobis enim (ut Deos  
Romæ propitios habemus) nobis Clementissimus Pater favet:  
cùm Præsules, quorum favoribus vivamus, quasi Tutelaria Nu-  
mina providet; cùm Te, qui si sanguini Tuo afficeris, nec nos  
odisse potes, faventissimum Antistitem voluisset. Tuus utiq;  
Sanguis erat, è Majoribus Vestris unus, Fridericus SZEMBEK,  
insigne illud Societatis Minimæ decus, ac Provinciæ nostræ lu-  
men. Præter hunc, quem satis ad pretia commendavimus, dum  
SZEMBECIUM diximus, non desunt alii, non deerunt forsitan  
plures (quia Prosapia Vestra, Sacrarum Familiarum, & cælo  
progenitarum Mentium, fecundissima Parens est) non desunt  
inquam, Gratiarum Tuarum apud nos quasi obsides; nec macu-  
las Generis eos putatis, qui Nomen Vestrum sideribus admo-  
vent, Nominique, Nominum omnium maximo, consotiant.  
Quid verò à Gentilitiis ROSIS Tuis expectaremus, nisi gratias?  
Admitte nos PRINCEPS beneficentissime; Tuisquè, ut Tui su-  
mus, annumera. Da animum conatibus bonis, quibus Societas  
nostra, quibus Provincia hæc, ad pietatis incrementa conniti-  
tur; da Mentem eruditissimam Scientiis, quas honori Vestro de-  
dicamus; approba literas, alibi tyrocinia literarum confove:  
Tibi enim nostra lycæa crescent: Tuæ Gloriæ studiosissima perfi-  
cientur studia. Sed quò felicitatem nostram exaggeremus: Ar-  
chi-Præsuleo Calissienfi Collegio, nullus, superum munere opta-  
biliores contingere poterat Archi-Præsul, quàm KARNKOVIVS  
noster alter; id est: inter Gnesnenses Principes, STANISLAUS  
alter,



alter. Quamvis enim Tu Primus PRINCEPS Regniq; Primas nemini secundus sis; est tamen, unde festivos plausus congeminare debeamus: atq; simul Tibi Gnesnenses Infulas; simul nobis derivatam à Tuis Infulis fortunam gratulari: nimirum, quòd redivivò Karnkoviò, iterumq; Stanislao animemur. Natale hoc, Munificentissimi Parentis nostri Nomen, reducet nobis post exactum seculum, primævam felicitatem. Recurrit jam, florentissimum illud primæ ætatis ver, cui Karnkovianus Aries, copioso gratiarum influxu præluxerat; recurrit inquàm, cum auspicato Rosarum Vestrarum exortu; ut si nobis, natali sidere extincto, mitiores anni obierunt; si fatorum injuria, vel cujusquam invidia, liberalitati Fundatoris Optimi utcunq; detraxit; id est: si veri illi faventissimo, fertilis æstas, æstati fructuosus autumnus, & tandem cruda successit, atq; omnia prope decoxit hyems; Tua PRINCEPS faventissime voluntate; Tuis Gratiis efficies: ne hybernos deinceps rigores, nocentissimam illam bonis tempestatem, vere novo, sentiamus. Præstabis id: præstabis plura. nam & Petricovienſe Collegium, Authoritate erigis, erectum favoribus sustines: ut præter Calissiense Karnkovianum, alterum illud, Archi-Præsuleum sit, SZEMBECIANUM. Innatum hoc PRINCEPS optime servas: ut semper piissimis favas causis; at verò nec nos impii sumus: dum in Gnesnensi Tuo Regno, junctam eruditioni virtutem multiplicare satagimus. Tuo scilicet servitura Honori ingenia excolere quam plurima. Promove itaque, non nostros tantum, sed Tuos etiam, sed SZEMBECIIS domesticos, pro literata Republica conatus; & jam nemo bonorum dissentiet, si nobiscum senserint SZEMBECIIS; omnia enim nobis præstiterunt Superi: cum præstantissimorum beneficiorum locò; talem & hunc Archi-præsulem concesserunt. Tantum non indignare PRINCEPS CELSISSIME: quòd modestiæ Tuæ graves hæctenus fuerimus. quòd verò imperfecta laudatio ingentem Nominis Meritorum Tuorum mensuram non impleverit; vires quidem & artem exceſſerat, descripsisse immensa; peccatum etiam videbatur: Magnitudinem Gloriæ Tuæ parvis circumdare limitibus; nihil tamen de studio omisimus: ut absolutam panegyrim redderemus; nec Majestatem Florum Tuorum arectis spatiis circumscripsimus; quos, ad supremum usq; Orbis Caput, ad supremas Capitis illius



Coronās, circumdando, extulimū. Quidcunq̄ tamen, ne  
facile esset laudare dignissimos, commissum sit; id saltem apud  
Te Modestissime Antistes merebimur: quod studia erga Te no-  
stra legere, propensissimos conatus approbare id est

FLORES CIRCUMDATOS in Gentilitiis

Rosis Tuis, & Coronariam Clementis tui Gra-

tiam in Archipræsuleis Infulis admittere

non dedignaberis: Tu enim, *quidquid*

*humano generi floris est: totum habes.*

Cassiodorus de Theodosia.





ne  
nd  
os

Biblioteka Jagiellońska



stdr0024709



